

州志卷之十五

選舉

三伐取士之法至成周始稱大備而論秀書升
之後一變爲辟召再變爲科目豈時會所趨有
不得不然者耶自科目興而唐以詩賦宋以經
義明初亦用薦辟後定爲制藝易書糊名法甚
密矣然登崇俊乂舍此無由所以今日因之
而不變也磁甲乙之科彬彬稱盛而明經之彥

與韜鈴之選非皆以襄一代至治者哉爲次其
先後而援例與封廕亦連類及之云志選舉

薦辟

明

張 勇

舉明經授清江王府教授

李宜之

舉明經仕終江西左布政

申宗義

舉明經授本州學政

張彥欽

舉明經授本州訓導

吳伯淵

舉文學授兩浙運同

賈忠州知州

舉孝廉授

劉彥

舉賢良方正授
襄陽府知府

張守義

舉聰明正直授
通城縣主簿

樊望

舉人材授廣
平府知府

容

舉明經授
本州訓導

王從道

舉人材授
邯鄲縣丞

王燾光

舉人材授
戶部主事

馬俊

舉人材授順
慶府知府

楊武

舉人材授光
祿寺錄事

婁

泰

舉人材授光祿寺監事

呂凱

舉人材授平遙縣主簿

牛景和

舉人材授鄆縣丞

路益

舉人材授安福縣主簿

舉人

明

李

翥

洪武癸亥科

馬

驥

洪武丙寅科任嘉興縣丞

曹

瓊

洪武己巳科任寧鄉教諭

蕭從善

武舉西科解元
仕終學士見鄉賢

王達

永樂戊子科

于文通

永樂辛卯科仕終
貴州按察司僉事

申毅

永樂甲午科任
永恭王府教授

閻整

永樂丁酉科仕
虎賁衛經歷

楊勉

永樂丁酉科

馬繡

永樂庚子科任
桂林府知府

郭森

永樂庚子科
任鄒平知縣

高志

永樂癸卯科仕
終金華府通判

羅綺 宣德己酉科

艾禮 宣德己酉科
任武邑訓導

田志茂 宣德壬子科
任涑水訓導

李宏 正統戊午科仕終池州府知府見鄉賢

王鑑 景泰癸酉科
任韓城教諭

李俊 景泰癸酉科

郭九成 景泰丙子科任易州訓導
導鄉平知縣森之子

白澗 天順壬午科仕
終真定府通判

秦滌 成化庚子科

武觀信

成化辛卯

順德府通判

魏傑

成化辛卯

楊寅

成化辛卯科
任長子知縣

李宇

成化癸卯科
任狄道知縣
池州知府宏之弟

李盛

成化癸卯科
任終州知州
見鄉賢

張朴

成化癸卯科
任順德府推官

張克恭

成化癸卯科
任終戶部員外郎

郭聰

成化丙午科
任壽王府伴讀
易州訓導九成之子

李彥成

宏治己酉科
任審雲知縣

郭鏡

宏治辛酉科仕
終冀州知州

紀純

正德丁卯科
御史傑之子

張助

正德庚午科

葛覃

正德庚午科

王潺

正德庚午科
任武城知縣

王泮

正德癸酉科
舉人泮之弟

李聰

正德丙子科任東
光教諭見鄉賢

楊濟

正德丙子科
未仕見鄉賢

世新
玉莊

王

濬

嘉靖壬午科

胡

經

嘉靖戊子科

許一貫

嘉靖辛卯科
縣知縣見鄉賢

李梁

嘉靖丁酉科
任淳化知縣

王嘉實

嘉靖丙午科
任清河知縣

鄧元孝

嘉靖乙卯科
任東河知縣

李已

嘉靖辛酉科
東光教諭
聰之孫貢士百之子

楊梓

嘉靖甲子科
終平定
州知州舉人濟之子

杜應春

隆慶丁卯科
仕
終延安府通判

白一鳳

隆慶丁卯科任唐山知縣大同府判煌之子

王自修

隆慶丁卯科

申自天

隆慶庚午科仕終臨洮府通判

王立道

隆慶庚午科仕終臨清州知州

戴英

隆慶庚午科仕終平陽府通判博學長材聘晚一世惜未究其用

常守信

萬曆己卯科

張傑

萬曆壬午科

楊性魯

萬曆乙酉科

楊子國

萬曆甲午科任興文知縣

楊桂

萬曆甲午科

李士清

萬曆丁酉科
任交城知縣

李士高

萬曆庚子科

劉梯

萬曆己酉科
聰敏好學惜早卒

武載興

萬曆己酉科
家貧力學以氣節自負未仕卒

李厚

萬曆壬子科
任順義知縣

張鏡心

萬曆乙卯科
樂至令仁聲之子

樂體元

萬曆戊午科
仕終荆門州知州見鄉賢

國朝

茲州志

卷之十五 選舉

六

石渠
卷之十三
白所見

順治乙酉科

李鴻勳

順治乙酉科

張潛

順治丙戌科尚書鏡心之子

康霖生

順治丙戌科

楊霄

順治丙戌科仕終兵部督捕司務

索翼明

順治辛卯科

陳聖俞

順治甲午科

高折桂

順治庚子科

李同蘭

康熙癸卯科

張榕端

康熙壬子科庶吉士潛之子

李謙

康熙乙卯科

樂玉聲

康熙乙卯科荆門知州體元之子

李霖

康熙戊午科任河內教諭

張丙厚

康熙癸酉科閣學榕端之子

謝廷瑤

康熙丙子科

進士

明

李翥

洪武十八年乙丑科進士授工科給事中

王 達

永樂十三年乙未科進士仕終刑部員外郎

羅 綺

宣德五年庚戌科進士仕終刑部侍郎見鄉賢

紀 傑

成化十一年乙未科進士授監察御史見鄉賢

紀 純

嘉靖二年癸未科進士仕終陝西按察司副使見鄉賢

葛 覃

正德九年甲戌科進士仕終陝西按察司副使見鄉賢

王 泮

正德十二年丁丑科進士授監察御史見鄉賢

俎 琚

正德十六年辛巳科進士仕終戶部員外郎見鄉賢

胡 經

嘉靖十七年戊戌科進士仕終戶部員外郎襄府長史見鄉賢

李 巳

嘉靖四十四年乙丑科進士仕終巡僉都御史見鄉賢

常守信

萬曆十七年己丑科進士仕終湖廣上江防道副使見鄉賢

楊性魯

萬曆二十年壬辰科進士任高平知縣見鄉賢

李士高

萬曆三十八年庚戌科進士仕終戶部山東司郎中見鄉賢

張鏡心

天啓二年壬戌科進士仕終總督尙書見鄉賢

國朝

白所見

順治三年丙戌科進士任魚臺知縣所見弱冠能文晚得一第以不善事上官遭擯

斥歸來益頽放每鬻文得錢盡付酒家時人有謫仙之目

李鴻勳

順治三年丙戌科進士任陽城知縣

張潛

順治六年己丑科會榜壬辰科殿試賜進士選授內翰林漢書庶吉士見鄉賢

陳聖俞

順治十五年戊戌科進士任永嘉知縣見鄉賢

康霖生

順治十六年己亥科進士授連山知縣調卽墨有惠政卒於官士民立祠祀之

張榕端

康熙十五年丙辰科進士授翰林院庶吉士歷陞內閣學士兼禮部侍郎提督江南

學政

張丙厚

康熙三十三年甲戌科進士任交城知縣內陞主事

樂玉聲

康熙三十六年丁丑科進士選瓊山縣知縣

貢生

明

張最

府學貢

劉

瓚

府學貢任推官

李

榮

府學貢
任經歷

王

鳳

府學貢
任訓導

杜

用

洪武年貢任
曹縣知縣

張

默

洪武年貢任
終通州知州

張

憲

洪武三十年貢
任樂亭知縣

韓

儼

永樂二年貢任
終靜州知州

艾

榮

永樂五年貢
任玉田知縣

劉

良

永樂十四年貢
任長山知縣

申

榮

永樂十年貢
五年貢

霍

恭

永樂十七年貢
任終刑部主事

閻

充

永樂十九年貢
任贊皇知縣

弓

銑

任大城
知縣

翟

信

任行唐
知縣

王

敬

任終監
察御史

申

昂

任吏目

武

忱

宣德年貢

李

尹

任吏目

王

琰

任伏羗
知縣

黎善

任西安府訓導

紀常

任定襄知縣

朱英

任池州府照磨

翟善

任西安府訓導

王宗

任山丹衛經歷

陳思敬

任新州判官

冀麟

宣德年貢任濱州吏目

張謙

正統元年貢任興縣知縣

趙澤

正統二年貢任蒙陰知縣

呂敬

正統四年貢

楊衍

正統六年貢任慶陽府推官

張惠

正統七年貢任米脂知縣

馮道

正統九年貢任寶坻縣主簿

王侗

正統十年貢任宣城縣丞

路達

正統十一年貢任光祿寺署丞

張恭

正統十一年貢任長安縣丞

閻端

正統十二年貢任樂陵知縣

李孚

正統十三年貢任廣平府經歷

白琛

正統十三年貢
任泰州判官

胡定

正統十四年貢

張觀

景泰元年貢
任泰州判官

韓榮

景泰二年貢
任孝義縣丞

趙胤

景泰四年貢

侯相

景泰四年貢
任齊河縣丞

任弘

景泰五年貢
任蕭山訓導

安福

景泰五年貢

呂良

景泰六年貢
任單縣縣丞

張宣

景泰七年貢
任洛川縣丞

侯庸

景泰八年貢

艾廷芳

天順元年貢
任刑部檢校

申啓

天順三年貢
任湖廣布政司都事王府教授毅之子

任弘道

天順四年貢
任諸暨縣主簿

常大用

天順五年貢
任撫甯知縣

許銘

天順六年貢
任長興縣丞

王宣

成化元年貢
任歷城縣主簿

李芳

成化三年
貢任吏目

劉良

成化四
年貢

路弘

成化五
年貢

田玉

成化七年貢任
隆慶州訓導

王玘

成化八
年貢

郝震

成化九年貢
任安州訓導

李信

成化十一年貢
任析川訓導

申祐

成化十二年貢
任黃陂縣丞

任明

成化十
五年貢

蔣鏡

成化十
五年貢

劉澗

成化十
六年貢

李旻

成化十
七年貢

馮鎡

成化十九年貢
任鄒平縣丞

張明

成化二十年貢
任滎河訓導

胡江

成化二十一年
貢任遼府紀善

賀聰

成化二十二年
貢任孝義縣丞

鄭冲

弘治二
年貢

李本

弘治四年貢
任禹城縣丞

王 愈 弘治五年貢
任臨邑教諭

侯 達 弘治六年貢
任漢川知縣

許 懷 弘治八年貢
任臨淄訓導

郝 鳳 弘治九年貢

陳 中 弘治九年貢
任完縣主簿

俎 豆 弘治十年貢
任陽縣主簿

張 仁 弘治十一年貢
任福州衛知事

張 紀 弘治十一年貢
任榆社縣丞

王 珮 弘治十二年貢
任繁昌訓導
博學善誨卒於官弟子哀之

任 彧 弘治十四年貢
任沈府紀善

郟 騰 弘治十五年貢
任清澗訓導

蔺 淳 弘治十六年貢

李 用 弘治十八年貢
任灤州吏目

劉 淶 正德元年貢

李 元 正德二年貢

李 傑 正德五年貢
任合州吏目

李 錦 正德六年貢
任武城教諭

董芳

正德七年貢

張浩

正德八年貢
任安肅訓導

王琇

正德九年貢

董洪

正德十一年貢
任華陰訓導

王鎧

正德十年貢

劉政

正德十年貢

王進

正德十四年貢
任金華府經歷

張瀚

正德十五年貢
任諸城縣主簿

張汴

正德十六年貢
任臨潼教諭

牛珣

正德十六年貢
任馬邑訓導

李炳

嘉靖元年貢
任湘潭縣丞

劉璣

嘉靖元年貢

申懷古

嘉靖二年貢
任浙江布政司照磨

尹鼐

嘉靖二年貢
任登州府經歷

楊淮

嘉靖三年貢

王世臣

嘉靖四年貢
任東阿教諭

紀約

嘉靖五年貢
任安慶府教授
御史傑之子副使純之弟

楊瀚 嘉靖六年貢 任清源知縣

焦仲和 嘉靖八年貢 任周府教授

邵祐 嘉靖十一年選 貢任東阿知縣

劉璘 嘉靖十二年貢

孫淮 嘉靖十二年貢 任榆社教諭

劉維新 嘉靖十三年選 貢任鎮定教諭

白煌 嘉靖十五年選 貢初任常熟訓導日以講學為事歷陞國子監學錄以邊才薦終大

同府 通判

章卿 嘉靖十六年貢 任青州府訓導

王淳 嘉靖十七年貢 任河間府訓導

紀隆 嘉靖十九年貢 任登州府訓導

劉琚 嘉靖十九年貢 歲貢涑之子

武功 嘉靖二十年貢 任昌邑教諭

郭維垣 嘉靖二十年恩貢 任廣德州訓導冀州知州鏡之子

任 林

嘉靖二十一年貢
任昌平州訓導

王 休

嘉靖二十一年恩
貢任平原縣丞

李

梅
嘉靖二十年貢

王 甯

嘉靖二十四年
貢任王府教授

許

儒
嘉靖二十五年
貢任唐山教諭

武 甯

嘉靖二十七年貢
任清河訓導慶陽府判尚信之子

靳 安

嘉靖二十八年
貢任城縣訓導

張

維
嘉靖二十九年
貢任永平訓導

尹 良相

嘉靖三十一年
貢任饒陽教諭

劉 瑄

嘉靖三十二年貢
篤學善誘磁士多出
其門任鄆城教諭歲貢漆之子琚之弟

郝 騰霄

嘉靖三十三年貢
任滁州訓導安州訓導震之孫

孫 紹

嘉靖三十五年
貢任南樂訓導

李文元

嘉靖三十六年
貢任新安教諭

謝東

嘉靖三十八年
貢任宣城教諭

鄭相

嘉靖三十九年
貢任長垣訓導

劉思明

嘉靖四十年貢
任肥鄉訓導

葛逢夏

嘉靖四十一年
貢副使單之子

李千之

嘉靖四十三年貢
任大成教諭東
光教諭聰之子歲貢百之之弟

董貫

嘉靖四十四年貢
任洛川王府教諭

李百之

嘉靖四十五年貢
東光教諭聰之子
王立道
隆慶元年恩貢

任朴

隆慶元年貢
任大明府訓導

張翼

隆慶二年貢
任懷慶府教授

王九疇

隆慶三年貢
任成安訓導

朱孔陽

隆慶五年貢
任陳畱教諭

桑遇春

萬曆元年貢
任溫縣訓導

任汝梅

萬曆元年恩貢
按察司經歷漢之子

馮策

萬曆二年貢

任鏡

萬曆二年選貢學行兼優
任廬州府通判廉潔自矢

李應貞

萬曆三年貢
任輝縣教諭

郭廷寶

萬曆四年貢
任河陰訓導

紀行寬

萬曆五年貢任蔚州學正爲人純厚
溫良鄉人稱之安慶府教授約之子

李法

萬曆七年貢
任長垣訓導

武弘燹

萬曆八年貢

申邦奇

萬曆九年貢

杜漸

萬曆十年貢

李琨

萬曆十二年貢

李克孝

萬曆十三年貢

武纘

萬曆年貢任
商水訓導

許守一

萬曆年貢任
孟津訓導

謝之瀚

萬曆二十三年貢任闕封府教授歸
而讀書課子至老不倦年九十三卒

李繼芳

萬曆二十五年貢
任永寧教諭

紀縵

萬曆年貢任
趙府典膳

申奇策

萬曆年貢

張從律

萬曆年貢

鄭汝心

萬曆年貢任
長葛訓導

李

鎭

萬曆年貢

朱袍

萬曆年貢

張俊英

萬曆年貢

宋一范

萬曆年貢

張仁聲

萬曆年貢任樂
至知縣見鄉賢

紀鎭

萬曆四十年貢

李從化

萬曆年貢

韋以成

萬曆年貢任
榮澤訓導

韋

皓

萬曆年貢任
溫縣教諭

楊四賢

萬曆四十八年貢以行業自勵嘗賦詩云
禋躬常畏羞衾影作事何妨質鬼神任南

安訓導遷遼城教諭

歸里之後家業蕭然

楊承誨

天啓元年貢廷試第一任贊皇知縣
遷綏德州知州才識優長案無留牘

許立身

天啓元年恩貢

李維琪

天啓二年貢僉都御史已之子

李允中

天啓元年貢

李好謙

天啓元年貢

陳格論

天啓六年貢幼孤能自立髫年入庠試輒冠軍教授生徒以文行兼勗從游者甚衆

謝士龍

天啓七年貢

常久

崇禎元年恩貢廷試第一

張問行

崇禎元年貢

蘭芳

崇禎元年貢任南陽府訓導

侯六合

崇禎二年貢

宋茂桂

崇禎二年貢任鄖陽府推官招徠義勇調停轉運兵民交賴卒於官

張中玉

崇禎三年貢任葉縣訓導

呂士振

崇禎年貢任武陟訓導

韋企賢

崇禎八年貢

李士俊

崇禎年貢

王

論

崇禎年貢

路國翰

崇禎年貢任
修武訓導

楊立

崇禎十三年貢

孔三戒

崇禎十四年貢

申我愛

崇禎十五年貢
任桐柏訓導

楊燧

崇禎十五年府學貢文行
兼備設帳授經隱居不仕

李日新

崇禎十六年貢

國朝

李士弘

順治元年貢任台州府推官性剛介時國
家初定兵強民弱士弘務抑弘以伸弱兵

恨之如讐
卒被害

李藻

順治元年恩貢
任江甯縣丞

李 維

順治二年府學貢
任秦州衛經歷

李本培

順治二年貢
任溫縣教諭

樂宏聲

順治二年拔貢荆門州知州體元之子拔
貢駿聲之弟生平敦孝友重然諾有古人

之風考職通判未
任卒輿論惜之

武宏世

順治三年貢任建德
知縣有廉慈之稱

楊遺白

順治五年貢任鎮平訓導遷內黃知縣性
豪邁倜儻故不能婚上官歸來隱於漁獵

間以詩酒抒興
者垂二十年

楊光溥

順治五年拔貢
任寧國府推官

許

陞

順治六
年貢

武一馮

順治七年貢
任通許訓教

王得昌

順治八年恩貢任寧夏後衛經歷初爲諸生甚貧嘗拾得遺金四十餘兩訪係高史

村民安傑之物悉舉還之其人餽謝不受

侯六韜

順治九年貢

張

濱

順治九年選貢

劉 棫

順治十年貢

樂駿聲

順治十一年拔貢荆門州知州體元之子與兄有聲弟宏聲金聲玉聲俱有文名州

人稱兄弟之盛者推樂氏云

范士鎔

順治十一年貢任新城知縣

路

義

順治十三年貢任偃師訓導

張 炳

順治十四年貢任桐柏訓導

趙吉祥

順治十五年貢

武 桂

順治十七年貢

張

溯

順治十八年恩貢

程雲衢

順治十八年貢

馮

璫

康熙元年貢

謝 昌

康熙三年貢

索士萃

康熙九年貢自三年後停貢至是始復

劉 獻

康熙十一年貢任泌陽訓導

馮克拱

康熙十三年貢任確山訓導

賈懷瑾

康熙十四年貢負英傑之氣未展其用而卒

龔顯名

康熙十五年恩貢

劉

鈺

康熙十五年貢

郭建坊

康熙十七年貢

吳

璉

康熙十九年貢

張 冲

康熙二十年辛酉科副榜第一准貢尚書鏡心子

任永信

康熙二十年貢

申南伯

康熙二十一年貢

楊維新

康熙二十二年貢

杜如桂

康熙二十二年府學貢

栗蓮祥

康熙二十四年貢

陳倬

康熙二十五年拔貢

李籍

康熙二十五年府學拔貢

侯業昌

康熙二十六年貢

郝震男

康熙二十七年貢

陳舜

康熙二十九年貢

趙維翰

康熙三十一年貢

武鐸

康熙三十二年貢

李純嘏

康熙三十三年貢

武鐸

康熙三十五年貢

李爲己

康熙三十七年貢

張楷達

康熙三十七年拔貢

楊師

康熙三十八年貢

陳國珠

康熙三十九年貢

董鳳鳴

康熙四十年府學貢

張槐韓

康熙四十四年貢

馬登霄

康熙四十三年貢

李凌雲

康熙四十四年貢

王 傅 康熙四 五年貢

武舉

吳 相

南應時

賀忠臣

隆慶庚午科

吳繼勛

吳鳴世

劉超科

郭世勳

李呈春

天啓甲子科任終山西老營
堡參將命都御史己之孫

張銘心

天啓甲子科

楊體元

崇禎壬午科

李荷國

崇禎壬午科
任漕運

楊啓辰

崇禎壬午科
建漳州府守

劉雱鴻

崇禎壬午科

西朝

王璽

順治乙酉科

武泰

順治乙酉科

趙斌

順治乙酉科

陳所志

順治乙酉科

王祖權

順治乙酉科

王琰

順治乙酉科

賈勳

順治乙酉科

李昌

順治乙酉科

將呈春

之子

張文炤

順治乙酉科

楊聲

順治戊子科任浙江
寧波府右營守備

陳文燦

順治戊子科

鄭國珍

順治戊子科

嘉州志

卷之五 選舉

七

徐三綱

順治戊子科

董養氣

順治戊子科

周振邦

順治辛卯科任廣西柳州府左營守備

王坦

順治辛卯科

李鳳鸞

順治辛卯科

陳經邦

順治辛卯科

陳文炳

順治甲午科

杜榮祖

順治丁酉科

牛萍

順治庚子科

董鴻儒

康熙癸卯科

楊孫美

康熙丙午科

段允文

康熙丙午科

李廷璽

康熙己酉科

陳綸

康熙壬子科

常吉霽

康熙丁卯科

李鄧模

康熙丁卯科

王爾綽

康熙丙子科

常肅孝

東臨邑
卯科

陳

午科
酉科

武進士

國朝

陳所志

順治
士任

丙戌科
京衛守備

王祖權

順治丙戌科
士任京衛守

王 琛

順治
士任

丙戌科
京衛守備

賈

勳

順治丙戌科
在級德衛守

李 昌

順治
任騰

丙戌科
京衛守備

張文炤

順治
終廣

己丑科
進士任
東瓊州府都司

例監

未仕
不載

者

明

呂

橙

任平陸縣主簿

甄

祥

任將樂縣戶所吏目

陳

璣

任濱州吏目

張

榮

任任邱縣丞

郭

九臯

任南寧縣典史

安

祥

任瓜埠巡檢

韓

昭

任巡檢

郭

璿

任巡檢

邵

貴

任東昌府知事

張

鑑

任洪塘戶所吏目

委

興

任遵化縣典史

胡

昭

任韓城縣丞

艾

勤

任曹州稅課局大使

嚴

琥

任羅文橋運所大使

張

桓

任嘉興府照磨

劉

侃

任萬全府司吏目

王

言

任蒲州判官

李

極

任鴻臚寺序班

張永吉

任
苑錄事

張克明

任
宜興縣丞

李欽

任
文登縣丞

李灝

任
倉州判官

季和

任
汝府奉祀

李翀

任
理別

任常

任
經歷

劉琮

任
經歷

劉編

任
趙府典膳

紀綬

任
趙府典膳

黃金

任
鄭府審理

楊時盛

任
安邱縣主簿

張璽

任
縣丞

常鏞

任
主簿

陳中

任
主簿

張紀

任
縣丞

楊時實

任
鴻臚寺序班

任漢

任
山西按察司經歷

李時雍

任東安縣丞

安

閻

錦

任公安縣主簿

師嚴

任嶧縣主簿

縣

張一清

任光祿寺典簿

王琚

任蒲縣主簿

臺

臺永寧

任慶府典儀

申用中

任鹽運司運判

運

侯琅

任光祿寺署丞

侯瓘

任終寺少

鄉

宋宗周

任西府照磨

張仁術

任曲縣丞

周

苗顓

任萊蕪縣主簿

臺鳳

任唐典儀

府

劉給

任寧晉縣主簿

劉闓

任武縣主

清

王炯

任光祿寺署丞

國朝

張

沛

任縣縣丞

孫芝

通判

地封

明

蘭

廣

以子從善贈儒林郎左春坊左贊善

王

勤

以子達贈奉直大夫刑部四川清吏司員外郎

紀

駿

以子榮贈文林郎南京廣東道監察御史

王

鉅

以子泮封文林郎陝西道監察御史

葛

義

以子覃贈奉政大夫南京戶部雲南清吏司郎中

俎

昌

以子琚封承德郎戶部山西清吏司主事

李遜

以子宏贈奉政大夫江南池州府知府

白珩

以子濬贈奉政大夫直隸保定府知府

武旻

以子尚信贈文林郎順天府香河縣知縣

李百之

以子己封文林郎太常寺博士兵科給事中晉封中憲大夫順天府府丞

侯鄉

以子瓊贈奉直大夫鴻臚寺少卿

常溱

以子守信贈奉政大夫浙江按察司僉事

張一濂

以嗣子仁聲贈文林郎四川瀘州府知府孫鏡心贈通議大夫兵部右侍郎兼都察院

右僉都御史

以子仁聲

贈文林郎四川瀘州府知府

張仁恭

以子鏡心封典會郎禮部侍郎兼知院五品都察院

楊嘉容

以子承藩封文林郎直隸真定府贊皇縣知縣

張

張潛

以子榕端贈通議大夫內閣學士兼禮部侍郎

恩廕

張沅

尚書鏡心長子由廩膳生員選監讀書廕三品官生未仕卒



SECRET

111

[The main body of the document contains several lines of text that are extremely faint and illegible due to the quality of the scan. The text appears to be organized into paragraphs or sections, but the specific words and sentences cannot be discerned.]

人物

人物之有表也昉於孟堅氏也按其品置有九等之殊後世志乘放其論次亦遂稍爲區別焉前志於列傳之外僅分義民而不列孝子蓋謂子道當然何至視爲難能之事然考古以孝友稱者史不絕書非但名不可掩亦欲借爲人倫表率云爾若隱逸僊釋例得竝書志人物

鄉賢

戰國

藺相如

以不辱強秦功爲趙上卿卒塋州之西羗村有傳入藝文志

廉頗

爲趙良將破齊拔魏大破燕軍封信平君與藺相如爲刎頸交有傳入藝文志

唐

李傑

本名務光滄陽人擢明經第累遷天官員外郎爲吏詳敏有治譽以採訪使行山南

時戶口逋蕩細弱下戶爲豪力所兼傑爲設科條區處檢防亡匿復業者十七八神龍中爲河東巡察黜陟使課最諸道先天中改河南尹傑既精聽斷雖行坐食飲省治不少廢由是府無淹事吏民愛之寡婦有告其子不孝者傑物色非是謂婦曰子法當死無悔乎答曰子無狀矣

有悔乃命市棺還歛之使人迹婦出與一道士
語頃持棺至傑合捕道士內於棺河汴之交舊
有梁公埭廢不治南方漕弗通傑調汴鄭丁男
復作之不費而利入代宋璟爲御史大夫尚衣
奉御長孫昕素惡傑遇於道內持明皇姬壻與
所親楊僊玉共殿辱之傑訴曰敗髮膚痛在身
辱衣冠眊在國帝怒詔杖殺昕等謝百官降書
慰傑以護作喬陵封武威縣子初傑引侍御史
王旭爲護陵判官旭貪贓傑將繩之未及發反
爲所搆出爲衢州刺史遷揚州大都督府長史
復爲御史劾免開元六年

卒帝悼之贈戶部尚書

崔元亮

字晦叔磁州昭義人貞元初擢進士第父

喪客高郵臥苦終制地下涇因得痺病不

樂進取元和初召爲監察御史轉駕部員外郎
清慎介持澹如也稍遷密欵二州刺史歙人馬
牛生駒犢官籍蹄噉故吏得爲姦元亮焚其籍
一不問民山處輸租者若之下台許計斛輸錢

民賴其利太和四年由太常少卿改諫議大夫
朝廷推爲宿望拜右散騎常侍每遷官輒讓形
於色鄭注構宋申錫捕逮倉卒內外震駭元亮
率諫官叩延英苦諍反復數百言文宗未喻元
亮置笏在陛曰孟軻有言象人皆曰殺之未可
也卿大夫皆曰殺之未可也天下皆曰殺之然
後察之乃寘於法今殺一凡庶當稽典律況欲
誅宰相乎臣爲陛下惜天下法不爲申錫言也
俯伏流涕帝感悟象亦服其不撓由此名重朝
廷頃之移疾歸東都召爲虢州刺史卒年六十
六贈禮部尙書元亮晚好黃老清靜術故所居
官未久輒去遺言山東士人利便近皆塋兩都
吾族未嘗遷當歸塋滏陽正首兵之義諸
子如命元亮本名某亮因避諱故書元亮

魏州人有建武職治道仕周累遷定武軍
將軍加同平章事太祖

親征李筠詔令坤率兵屯河陽及澤潞平以功加侍中又從討李重進建隆二年改成德軍節度將赴鎮上於別殿置酒餞之乾德六年疽發背卒子慶朝開廐使慶雄開廐副使

蘇

宗

字公佐盜陽人擢第調兗州觀察推官爰知於守杜衍爲大理平斷官民有母改嫁

而死旣葬輒盜其柩歸耐法當死宗日子取母耐父豈與發塚取財等請而生之遷利路轉運使文州歲市羗馬羗轉買蜀貨猶駟上下物價肆爲姦漁宗議置折博物平貨直以易馬宿弊頓絕擢侍御史使契丹還及半道聞英宗宴駕契丹置宴仍用樂案謂送者曰兩朝兄弟國家君臣之義吾與君等一也此而可忍孰不可忍遂撤樂知河南府無留訟入知審刑院卒宗長於刑名故屢爲法官數以讞議受詔獎

張君平

字士衡以父承訓與契丹戰死補官以戰功遷右班殿直擢闔門祇候管勾汴口建

言歲開汴口當擇其地得其地則水湍駛而無
留沙歲可省錢千餘萬從之天聖中君平以京
師數罹水災請委官疏鑿近畿諸州古溝洫久
之稍完遂詔畿內及近畿州縣長吏皆兼管勾
溝洫河道自畿至泗州道路多羣寇君平請兩
驛增置使臣專主捕盜而罷夾河巡檢於是行
者無患君平有吏才尤明於水利自建議塞河
朝廷每訪以利害河平君平卒論者惜之錄三
子官子鞏皇祐中尙書虞部
員外郎管勾汴口嗣其父職

金

潘希孟

磁州人官上黨簿元學士王德淵稱其文章德業爲當時冠

趙秉文

字周臣滏陽人幼穎悟讀書若夙習登大定二十五年進士第累官至應奉翰林文

字同知制誥坐上書論事廢後起爲度支判官
泰和二年召爲翰林修撰三年改平定州刺史

前刺史聞赦將至先培賊死乃拜赦而盜愈繁
秉文爲政寬簡旬月盜悉屏跡歲饑出祿粟倡
豪民以賑大安初北兵南嚮秉文言今我軍聚
於宣德城小列營其外涉署雨器械弛敗人且
病俟秋敵至將不利矣可遣臨潢一軍擣其虛
則山西之圍可解衛王不能用其秋宣德果以
敗聞轉翰林直學士貞祐初建言時事可行者
三一遷都二導河三封建朝廷畧施行之明年
上書願爲國家守殘破一州以宣布朝廷恤民
之意帝曰秉文宿儒當在左右不許四年拜翰
林侍講學士言寶券滯塞蓋朝廷初議更張市
肆已妄傳其不用因之抑遏漸至廢絕宜立回
易務令近上職官通市道者掌之給以銀鈔粟
麥縑帛之類權其低昂而出納詔有司議行之
興定九年拜禮部尙書兼侍讀學士同修國史
知集賢院事又明年知貢舉坐取進士盧亞重
用韻削兩階因請致仕金自太和太安以來有
司惟守格法所取之文卑陋陳腐稍涉奇峭卽

遭黜落貞祐初秉文爲省試得李獻能賦格律稍陳詞藻頗麗擢爲第一舉人懇於臺省以爲趙公大壞文格俄而獻能復中宏詞入翰林而秉文竟以是得罪五年復爲禮部尚書入謝帝曰卿春秋高以文章故須復用卿秉文以身受厚恩無以自效願開忠言廣聖慮再進見從容爲上言人主當儉勤慎兵刑所以祈天永命者哀宗卽位兼說書官以帝嗣德在初當日親經史以自禪益進無逸直解貞觀政要中鑒各一通正大九年正月汴京戒嚴帝命秉文爲赦文以布宣悔悟哀痛之意兵退大臣欲稱賀且命爲表秉文曰春秋新宮火三日哭今園陵如此酌之以禮當慰不當賀遂已時年已老日以時事爲憂聞事便於民及士可用者太則拜章小則爲當路者言殷勤鄭重不能自已三月草開輿改元詔闔巷皆能傳送洛陽人拜詔畢舉城痛哭是年五月壬辰卒年七十四秉文自編至老未嘗一日廢書著易叢說十卷中庸說一卷

揚子發微一卷太元箋贊六卷文中子類說一卷刪集論語孟子解各十卷資暇錄十五卷文章號滄水集者三十卷秉文之文長於辯析極所欲言而止七言長詩筆勢縱放律詩壯麗五言古詩則沉鬱頓挫草書遒勁爲人減直樂易與人交不立崖岸未嘗以各自居仕五朝官六卿自奉養如寒士

元

張太古

字勵夫滄陽人連舉兩科第才名冠於當時

安祐

磁州人弱冠上書元世祖言當世事帝在六盤山卽日召見與語奇之授近侍官每

使治事規模宏大條理秩秩累官集賢大學士贈平章政事封興國公謚文康

安思承

磁州人曆仕清儉拜監察御史改戶部郎中進甘肅等處中書省叅知政事改汪瀚

陝西山東等道肅政廉訪使卒贈樞密院副使追封武威郡公謚忠肅有竹齋詩集

馬天驥

字良彥磁州人博通經史薦擢風憲有聲譽彈劾無所避仕至治書侍御史卒塋磁

之岳城

高

謙

字舜臣磁州人兼習儒吏釋褐將仕佐郎官常湖路總管致仕加吏部尚書纂述格

例百八十册

高

傅

字起巖謙曾孫爲磁州團練萬戶赴調遇盜邏卒且戰且行已而盜悉至傅馳馬引

弓射皆中盜懾不敢前援兵不至盜復合攻誘使降傅大罵力戰而死

董搏霄

弟昂霄附搏霄字孟起磁州人由國子生辟陝西行臺掾時天旱從侍御史郭貞壽

獄華陰賊李謀兒道殺商賈奪貨十五年至百餘事獄具乃賂有司謂徒黨未盡獲五年不決

搏霄言於貞卽尸諸市天乃大雨累官至浙東
宣慰副使所至理冤獄革弊政至正十一年除
濟寧路總管詔從浙江平章教化征安豐兵至
合肥定林姑遇賊大破之時朱臯固始賊復猖
獗官軍少有大山民砦及芍陂屯田軍搏霄獎
勞而約束之遂得障蔽朱臯官軍屯朱家寺賊
至追殺之招降賊家千二百家因悉知其虛實
夜縛浮橋於淝水旣度賊始覺賊家數萬據礪
南搏霄麾騎士別渡淺灘襲賊後回東南向與
騎士迎敵搏霄忽躍馬渡礪揚言曰賊已敗諸
軍皆渡一鼓平之遂復安豐十二年詔搏霄移
軍援江南徽饒賊已陷杭州教化問計搏霄曰
賊創見杭城子女玉帛必縱慾不暇爲備宜急
攻之今欲退保湖州使賊乘銳直趨京口則江
南不可爲矣教化猶豫未決諸將亦難之搏霄
正色曰可取不取誰任其咎拔劍顧諸將曰慢
令者斬遂進兵杭州賊迎敵至鹽橋搏霄麾壯
士突前斬殺數級諸軍夾擊之殺賊幾盡復杭

州及餘杭武康德清搏霄受代去徽饒賊復寇於潛行省假搏霄爲叅知政事討之搏霄卽日引兵至臨安分兵守新溪進兵破賊虎檻遂復縣治又復昌化昱嶺降賊將潘大齋二千人賊又有犯千秋關者搏霄還軍守於潛而賊兵大至焚倚郭廬舍左右請出兵搏霄曰未也遣人執白旗登山望賊約曰賊以我爲怯必少掬伺其有間則麾所執旗又伏兵城外授以火礮復約曰旗動礮發已而旗動礮發兵乃盡出斬首數千級遂復千秋關未幾賊復攻獨松百丈幽嶺三關搏霄先以兵守多溪旣分爲三軍一出獨松一出百丈一出幽嶺終復會兵擣賊巢乘勝復安吉以兵守苦嶺及黃沙嶺賊帥梅元來降又降賊帥十一人進兵廣德克之平徽州十四年復安東十六年剿平北沙廟灣沙浦等砦尋進兵泗州不利賊乘勝東下斷軍糧道乃回軍屯北沙糧且絕與賊死戰七晝夜賊敗走奪賊船七十餘乃得渡淮保泗州時方暑雨湖水

溢搏霄獨守孤城賊環繞數十里攻之搏霄於城上遣偏將以騎士由西門突出賊後約曰旗麾卽還旣而旗動騎士還步卒自城中出來擊之賊大敗然賊砦猶阻西行之路乃結陣而往翊以奇兵轉戰數十合軍始得至海甯陞同僉淮南行樞密院事搏霄言於朝曰淮安一失兩淮皆未易復也宜於黃河上下竝瀕淮海之地自流陽至沂莒嶺榆諸州縣布連珠營吏三十里設一總砦三十里中設水砦使斥堠烽燧相望而巡邏往來遇賊則并力野戰無事則屯種而食又海甯不通舟楫軍糧惟可陸運而凡瀕淮海之地人民屢經盜賊宜加存撫權合軍人陸運其法每人行十步三十六人可行一里三百六十人可行十里三千六百人可行一百里每人負米四斗以夾布囊盛之用印封識人不息肩米不著地排列成行日行五百回計路二十八里輕行十四里重行十四里日可運米二百石每軍給米一升可供二萬人又江淮流移

之民竝安東贛榆等州縣俱廢其民壯者既爲
 軍老弱無所依歸者宜置軍民防禦司擇軍官
 材堪牧守者使居其職而籍其民以屯故地練
 兵積穀且耕且戰內全山東完固之邦外禦淮
 海出沒之寇十七年濟南告急命搏霄往援賊
 衆自南山來攻濟南搏霄按兵城中先以數十
 騎挑之賊悉衆來鬪騎兵少卻至礮上伏兵起
 遂合戰城中兵又出大破之般陽賊毛貴等踰
 南山來襲濟南搏霄列兵城土弗爲動賊夜攻
 南門獨以矢石禦之黎明乃密開東門放兵出
 賊後既旦城上兵皆下大開南門合擊之殺賊
 衆無遺詔就陞山東宣慰使都元帥其疾其功
 者諳於總兵太尉紐的該合搏霄從卜蘭溪同
 征益都搏霄曰我去濟南必失請以弟昂霄代
 領其衆從之十八年濟南陷搏霄方駐兵南皮
 魏家莊毛貴兵至營壘猶未完諸將謂搏霄曰
 賊至當如何搏霄曰以死報國因拔劍督兵戰
 而賊衆突至執搏霄殺之是日昂霄亦死

追封博霄魏國公謚忠定昂霄隴西郡候謚忠毅

李拱辰

字廷弼磁州人甫成童能自力學游京師以善譯得備宿衛授高郵判官歷遷新昌

歸安縣尹舉廉能除承德郎戶部司計擢監察御史都事歷官三十年家無畱貲

盧明理

磁州人登進士第授大名錄事兼管本司諸軍奧魯調成安縣尹陞保定推官致政

之後訓蒙以餬口

明

藺從善

字有恒磁州人中洪武癸酉科鄉試第一授山東陵縣教諭遷揚州府學教授成祖

趣太孫勤學擇天下名儒輔之召從善授翰林編修與王直錢習禮等十五人日侍講讀從善行端貌重所論上皆帝王道在講幄十年自贊善遷洗馬宣宗嗣位同事者皆營擢顯要或卽

拜尚書而從善獨與王直留滯不調恬退自守
日坐東閣中緝讀秘書遇休沐則載酒郊遊覽
勝賦詩意泊如也又數年遷學士帝方嚮學從
善以舊臣見信用每進講多鄉音帝曰久宦不
改其素從善其君子哉正統四年會試選宿儒
爲考試官命從善偕王直往取楊鼎等百人人
稱其得士年七十援例求退帝慰留之又四年
得請一時名公卿賦詩祖送甚盛還里卒祀鄉
賢

羅

綺

字尙綱磁州人中宣德己酉科鄉試第一
登庚戌科進士授監察御史時景泰元年

英宗北狩也先遣使來議和吏部尙書王直主
迎復議太監興安出傳旨曰汝等固欲答使執
爲文天祥富弼其人耶王直厲聲曰豈可如此
言今日羣臣一惟朝廷用孰敢有不行者綺遂
慷慨請効命於是陞大理寺右少卿副正使李
實以行敕中惟言報禮不及迎復綺同實驚

詣內閣白之爲興安所阻遂行詣北營謁英宗
同李實開諭也先得許歸英宗約實遂先辭歸
復命綺復與北使同至山西等處調回也先一
帶擾邊人馬往返塞上几三月還海子賦詩有
當年富弼無多讓一寸丹心貫九霄之句是時
敢違衆議挺身前往卒使翠華南旋綺與實同
有功宗社而散去擾邊敵騎一時塞警得以甯
息則綺之功尤多焉還時松潘蠻叛董卜韓胡
都指揮克羅俄監祭攻下雜穀奪其安撫司印
土豪王永陷關堡殺人取貨巡撫李匡不能治
帝命綺代之綺雄偉有謀能斷出奇取捷十不
失一開布恩信臨以兵威末期克羅俄監祭悔
過獻印擒永族之松潘皆山截業羅立番得利
卽奔巖洞匿箐深不可測餉道出兩山間絕艱
險民負載餽伍番伺隙出輒奪餉去綺曰不大
威之不懲招募材武得禪師智中國師綽領牌
頭尤弄枸皆豪健各令統兵夜銜枚分道搗賊
巢綺亦介胄從之攻破樸爬諸塞擒劇賊卓勞

阿兒結十餘人戮之綺志在招降自是畧去體
面一切以簡易治與接孟酒歡番人畏慕終綺
任不敢叛後十年松潘羗民猶有赴闕求保者
至英宗復辟召爲副都御史時石亨曹吉祥侍
功崱恣綺率十三道御史上章劾之帝怒命逮
綺等下詔獄詰朝雷電盛作大風拔木吉祥門
前老樹皆折京師震恐帝意動始釋官至刑部
左侍郎還鄉於城西五里依綠野亭以自樂號
煑詩道人綺事親孝有廬陵羅倫作羅侍郎瞻
雲圖詩其爲名賢所重如此後鄉人王俊仇誣
綺前在松潘受番人金詔削籍綺
默不辯公論冤之舉祀鄉賢祠

李

宏

字宗大磁州千戶所人正德戊午舉於鄉

授陝西涇州知州時久旱宏齋沐祈禱遂
大雨涇地高少水宏相地宜多作井以便民
立祠祀之擢池州府知府勸農桑興水利育
才凡郡事一指顧間舉辦無遺以剛介
忤當道知志不獲行遂致政祀鄉賢祠

紀

傑

字上英中成化乙未科進士天性廉直爲諸生時拾遺金還之及登第授廣平知縣

益勵清白苞苴不通廣平多刁頑前尹不能治傑繩以法皆畏而改行漳河泛溢水入城門傑禱於神俄而門崩塞水道城中遂免水患歲旱民饑傑遍行賑濟仍禱雨獲應歲乃大稔又教民多植桑東以備凶荒擢南京監察御史有天长縣百戶史洁素號巨猾構訟連引至六七百八年久莫能決傑折以嚴明遂服南京大監蔣琮多占官民田侵奪民利傑連章劾得罪立遷陝西同州判官致政歸窶甚卑室僅足蔽風雨足不入公府惟遇朝賀大禮雖雨雪必赴每食輒舉箸曰何功而食念自幼失怙持祿養弗逮值生忌之辰必悲泣致奠如新喪手持一編白首不廢以儉約著訓子弟無衣帛乘馬者

祀鄉賢祠子純成進士亦以賢能著聲

紀

純

字一之傑長子生而穎異長與安陽崔太史後渠林慮馬都憲柳泉齊名稱鄴下三

俊登嘉靖癸未科進士初授戶部主事治操廉潔任職勤恪轉本部郎中遷四川保甯知府比至郡值久旱乃歎曰吾始下車豈可坐視民瘼遂齋沐宿壇禱祈而雨隨應及冬少雪又爲祈雪輒降郡有疑獄爲原情寬宥及入覲郊外數人跪擁流涕詢之皆前日全活罪人也郡以絲織爲業前後官未有不染指者純居三年一無所取陞陝西按察司副使備兵西甯誠心實政恩威兼濟夔夏咸服嘗巡邊塞西山隘口以絕敵人窺伺之路致政歸純生平誠一無僞重厚間默接人謙恭有禮不立崖岸博學好著書所著有四書詩經講義策學集成相正錄保甯志燕石珍藏等集祀鄉賢祠

武尚信

成化辛卯舉於鄉授香河知縣民值荒疫

除妖狐祈雨雪輒應異政甚多下父艱服除補寶抵縣有無賴子甚爲民害尚信見其壯偉好

諭之給鋤令農作遂爲良民一日出城馬驚巡視得一新墓乃縣民邵氏子暴死所瘞也發棺驗之見額門一釘細訊乃其妻與姦人醉其夫而殺之卽真諸法遠近大駭陞湖州府通判途中夢二青衣拜曰奉命送公出險黎明舟行至開口忽上有斷絙大艦直衝而下勢將爲其壑粉迨近若有人轉移之者舟獲無恙夢言果驗改陝西慶陽府通判時寇方充斥尙信手籌糧捍禦有功奉旨旌賞尋丁內艱歸疾作遂不起祀鄉賢祠

李

盛

成化癸卯舉於鄉仕終祁州知州在任廉能有聲豪右斂跡士民悅服祀鄉賢祠

張

朴

成化癸卯舉於鄉任順德府推官心古貌淳操廉行直治獄平反民無冤枉以事忤

權奸浩然勇退祀鄉賢祠

葛

覃

字延之正德甲戌科進士授樂清知縣持已清白蒞政公勤遷南京戶部主事以員

外郎奉部檄督催閩廣兩省錢穀綜理周密訪
範嚴慎事集而民不擾遷郎中再遷平陽知府
郡大治覃天性簡言笑慎交遊遇事斤斤精覈
吏不能爲奸日兢兢者律身守官箴而已然威
信感孚不動聲色豪強自爾斂戢遷陝西按察
司副使益勵名節終始不渝時當盛夏巡歷甯
夏等處勞瘁疾作
卒於官祀鄉賢祠

王

泮

字文淵正德丁丑科進士授宿松知縣值

宸濠之變冒難赴任時武宗親征軍政旁
午泮兼領潛山縣事設策誅巨盜郭陽等乘輿
駐蹕南京驗功行賞泮不得躬詣行在以首級
贖仗往所獲盜五十餘多爲人攘冒止以一級
受銀牌紵帛之資期年以才堪治繁調知江陰
縣釋鹽債民濬黃河興學禮賢均稅清獄懾豪
強除妖鬼省浮費卽餽贈革鹽引銀之號爲堂
食者民畏之如神明徵拜陝西道監察御史抗
論時政侃直不阿疏請孝養兩宮黜張桂方雷

還李本馬明衡等不報次年以疾請告還卒於家祀鄉賢祠

李

聰

字達卿正德丙子領鄉薦授稷山教諭誨人以身甘於澹泊辭東修百餘金用建尊

經閣性恬退不樂於進再授東光縣教諭遂致仕家居不致產業惟以讀書教子孫爲事壽七十卒祀鄉賢祠子百之千之俱歲貢孫已嘉靖中名臣益得之家教然也

李

已

字子復聰之孫百之之子生而穎異讀書過目輒成誦弱冠登嘉靖乙丑科進士授

太常寺博士擢禮科給事中會穆宗后以疾移別宮言官疏請還宮者輒廷杖削籍已復具疏以進人皆危之疏竟畱中轉戶科都給事申上言太監崔敏等請買年例金寶前者陛下臨御未幾卽下詔停買珠玉比者左右近習干請紛紜買玉買珠傳帖屢下人情洶洶咸謂陛下詔書不信無所適從臣實惜之帝大怒謂已沽名犯上杖一百繫刑部獄七月給事中舒光等合

疏請釋已及內犯張恩始法司意恩等內授欲借以自脫及旨下釋已爲民而恩繫如故家翁然稱誦知其精忠勁節帝已默喻之矣歸家杜門謝客足跡不一詣公府萬歷初特起兵科都給事中會侍御胡孝以言事削籍在朝際無一語已獨抗疏極諫帝怒罪且不測幸修撰張元汴力救得免又劾兵部尚書譚綸欺罔劾湖廣總兵陳玉謨奸肆前後言事凡五十餘疏皆忠愛剴切陞大禮寺少卿太監馮保惡其清直中傷之謫常州府同知尋擢都察院右僉都御史巡撫保定蒞任之後清奸蠹撫流遺飭關堡練士卒軍政一新屹爲畿南保障操守嚴峻務絕苞苴一使吏治奉約束若神明迨病甚真定守憂之爲經紀其後事見已囊篋蕭然惟敝衣圖書數事夫人痛泣謂歸無置身地守因會各屬贖鍰若干金以進已病間知之曰若以利點我耶病愈日聽糾矣守惶怖待罪病卒不起已平生孝友淳朴暨登朝遇事敏言天下想望其風

稟性清介以澹泊自勵不營產業祿仕二十餘年不異寒素樞歸無棲所屬官各捐俸爲置第一區始藉以蔽風雨真不愧一代名臣矣祀鄉賢祠

俎

琚

字佩章登正德辛巳科進士嘉靖初與修武廟實錄補直筆歷遷戶部郎中時方議

大禮以直奏忤旨下獄後得放歸母太安人早逝嘗以祿養不逮爲泣念母存日愛其幼弟兩妹因撫之成立爲嫁娶分俸賜給不使少闕至於族屬之婚喪戚里之孤寡靡不資助立義塚中野以葬死無歸者祀鄉賢祠

楊

濟

號厚菴性孤介不以家貧置念動履一準古人爲文超邁不羣上元金太守甚愛之

爲代納幣聘武香河女及娶奩具頗盛悉命還之父不允乃分給二堂弟楊隆揚平爲完姻事正德丙子領鄉薦遂以舊宅讓兄淮而別置宅以居兩執親喪哀毀骨立居家嚴肅有聲教人

循循甚有法則病將易簣謂子桐曰今人誌多
溢美吾所深鄙吾死慎勿請誌所著有性理提
綱厚菴
文集

王

邦植

字國甯磁州守禦所人府谷合澗之子生

爲王千斤少從父游宦道遇盜數十人單身直
前格殺盜解散遂以勇名補州學生食餼矣非
其好也乃學騎射環甲持大刀重數十斤時對
客爲戰鬪擊刺狀談及邊塞戰陣事則勃然思
奮自忿無階以進乃如京師游縉紳間嘉靖二
十一年邊警頗急詔舉材勇言以邦植薦部
檄赴宣大總督侍郎翁萬達與語奇之待以國
士未幾敵入寇翁遣邦植同參將張奉率五百
騎守鶉鴿峪敵以數騎來嘗邦植整而擊之明
日敵復遣百餘騎來邦植謂奉曰可悉取而殲
也馳以往踰峪口數里忽伏兵數萬起大陸溝
子列兩翼而陣邦植奮勇急擊而身自引

弓射殺渠長敵益憤合圍數重戰兩日夜那植
斬殺無算敵欲生得那植佯開一路那植曰誘
我也走而死毋甯死於此枕山以待外援不至
敵騎益眾我軍損亡殆盡敵見其孤危督眾來
擒那植手提鐵簡又搥殺十餘人力竭被害敵
故壯那植環其屍相視啣指是役也以五百騎
當強敵數萬雖那植同奉戰死而敵之精銳亦
銷亡遂遠退不敢近邊我軍得輿其屍而歸事
聞震悼贈那植都指揮僉事廕子化

熙世襲潞州衛磁州正千戶亦奇士

王化熙

那植次子幼卽知讀書攻苦奮勵弱冠食
餼於庠會兄化燭歿無嗣以父廕襲磁所

正千戶調薊鎮復以戰功歷陞山東等處叅將
擒妖賊渠魁李應乾等絕五省禍根帝嘉之賜
一品服色隆慶三年禮科左給事中李已疏薦
王化熙青年美質擒獲多功氣銳才優勤勞著
績且忠貞不忝父風義勇可當國士如必限資
拘次恐負化熙所長遂超遷前軍都督晉兩廣

等處總兵官掛征蠻將軍印萬歷初賜蟒服玉帶晉光祿大夫計歷任四十年蒙恩賚二十次朝臣交薦七十次武臣寵遇罕見其比卒諭祭葬

胡

經

字伯常登嘉靖戊戌科進士授長子合擢國子監丞歷遷戶部員外郎興利除弊所

至有聲轉襄王府長史以親年老諸子幼冲遂致仕家居築精舍事父母盡禮讓祖業於其兄課子授徒士林推重祀鄉賢祠

許一貫

字宗魯嘉靖辛卯舉於鄉授獻縣知縣才猷通達政事精敏治滹沱河築易州城勤

勞著績嬰疾告歸杜門掃軌足跡不履公庭舉鄉飲大賓祀鄉賢祠

常守信

字可行登萬歷己丑科進士授行人擢吏部歷湖廣上江防道副使才猷敏達內行

醇備奉庶母如生母承歡弗替撫異弟如同胞讓產無恡色兼周貧賑穀美難殫述祀鄉賢祠

楊性魯

字鈍卿天性孝友胸懷豁達登萬歷壬辰科進士授高平合綏民察吏游刃有餘以

不善事上官僅二載謫歸明例甲科在謫籍旋即起復無終棄林泉者性魯獨不屑意貧賤自甘惟終日閉戶著書尤長於詩凡天時人事之變無不以詩紀之時人比之詩史所著有春香軒綠芹園一方亭日

爛言諸稿祀鄉賢祠

李士高

字孟乾天性友愛撫幼弟皆成立萬歷庚子科以麟經魁多士登庚戌科進士授岳

州司李調登州明刑折獄民自以爲不冤屢遷戶部郎中擢淮安關稅革白攔積弊蠲菜園利金月放空關二日免其稅估客歡呼歸來安貧閉戶不與外事有人以煤窰獻歲可分利數百金卻之不受葛巾布袍服役唯一老蒼頭人見之不知其爲貴紳也祀鄉賢祠

張仁聲

號洪川爲諸生有聲十舉不第以明經薦授蜀樂至令時邑經奢酋亂民盡逋逃仁

聲下令招撫宣誠布寬民歸如流水數月戶口
大充俗故喜訟鬪仁聲曰民性獷悍以剛制剛
非策也吾以柔勝之故其聽訟不務爲恫喝名
兩造案前與往復言笑叩得其情折之一二語
民皆叩頭服罪至於遇強禦則未嘗少懼里有
大豪爲奸者悉捕治弗少縱有撫軍所使使傳
檄郡邑挾威雄行他令事之甚謹至樂至仁聲
日懾之愈益橫乃大怒曰鼠子何恃使卒捽庭
下械繫之以聞撫軍不能庇卒論如法於是治
行稱最尋以覃恩封其父母又請以其封馳生
父旣得命則大喜卽日稱病解印綬歸而杜門
卻掃以勤儉訓子孫於東郭治小園綠荷半池
修竹數竿每從友人過遊不輿不蓋逍遙自適
年八十神明卓然如五十許燈下猶能細書夜
飲至三鼓不倦人謂有萬夫之稟焉誥封兵部
右侍郎都察院右副都御史祀鄉賢祠子鏡心
總督尙書孫潛曾孫榕端皆官詞林其餘
明經起家反有聲辛亭者不啻數十人

張鏡心

字孝仲仁聲長子生而修幹偉質登天啓

賦無辨鏡心措處捐助代民完一歲漕糧全活
無算以卓異召拜禮科給事中禮部奏舉謚典
鏡心請嚴核母濫狗因臆陳其鄉之應謚者錄
鉉羅綺何景明等時論寔之時王永光爲吏部
尙書頗不協公議鏡心因雨雹爲災引春秋傳
註言臣下專權太專所致帝令實指其人鏡心
卽條奏永光專恣數事疏入畱中轉右給事中
奉使册封岷王固辭錫賚轉左給事中主江西
鄉試稱得人拜吏科都給事中掌大計權相溫
體仁有所屬默不應流寇猖獗鏡心疏薦邊才
范景文等且請兵援左良玉以張河北之勢屢
遷卿秩晉兵部右侍郎兼右僉都御史總督兩
廣軍務粵地濱海番舶奸商時勾海外諸番爲
患其叢山溪谷地界虔楚者獐獍山寇亦出沒
不時適紅番依崙泊舟乞市鎮臣陳謙參之以
爲利鏡心至劾謙罷去檄參將黎延慶駐師近

留而命以市貨給歸之紅番遜去乃環視地形
凡要害皆設兵守之自是海上無警連州妖民
爲亂剿之則竄入篁中緩之則時出鹵掠鏡心
授計叅將施王政密擒之值楚地山寇日甚鏡
心請救沅虔撫臣與已協力會剿搗其巢穴毋
使爲流寇之續得旨遂視師韶州命驍將林宏
等率精兵深入賊巢轉戰兩晝夜斬獲千餘級
鏡心令乘勝搗高柴二源諸將難之鏡心曰賊
在巢如池魚奔虎圍可因攻可取也倘一旦外
漬地廣兵稀如釣鱗巨壑逐獸平原安能測其
所屆諸將不敢違遂鼓行由主簿崙據險疾擊
連破高柴二源剗平王郭子奴等自是楚氛悉
靖捷聞詔晉秩惠州募兵多盜孽把總胡鳳鼓
煽譁於途鏡心佯不省稍分遣之密約巡按御
史赴惠大閱遍布諸軍圍叛卒擒之梟首惡四
十九人粵兵股慄盤古諸峒久爲賊巢鏡心遣
兵平定之撫民一千二百餘家拓田一萬五千
餘畝詔嘉其功賜金綺粵山多田少戡儉民

沈離鏡心搏節浮費得四萬金積穀數十萬石
粵人賴之召入爲兵部左侍郎陞兵部尙書總
督勦遼軍務以父母春秋高乞歸養許之遲遣
內外艱值鼎革遂隱居不仕舉朝薦勝國遺老
可大用詔起之鏡心固辭請終制卒不出鏡心
生平雅敦氣節沉毅能斷大事事親孝家法嚴
謹視子弟才質使各有所成立當世聞人如德
元璐黃道周范景文劉理順諸君子皆莫逆交
初道周以觸忤下獄親黨懼波累皆隱匿鏡心
獨以金三百致其家爲難中助道周後知之曰
孝仲所遺固可受也其爲各賢所重如此所著
有雲隱堂集大易解陰符經解行世祀鄉賢祠

國朝

張

潛

字尙若鏡心第五子生而穎異器質端偉
年十二補博士弟子員從父宦粵下帷攻

苦絕無膏梁習歸值李自成陷京師聲且南來
父大司馬亟渡江去潛奉母繼發道梗間行

谷中徒跣破踵屢以計脫難一家得復聚無恙
人奇之丙戌舉於鄉已丑捷禮闈壬辰賜進士
選爲庶常以母病乞歸日夜侍湯藥偕妻劉弟
衍爭割股以進母立小愈殆其孝感云洎丁丙
外艱哀痛幾絕體素豐遂成癯弱服闋入朝會
世祖命入覲監司條奏地方利病大梁道沈荃詢於
涇涪言鄴下朝歌郡當孔道歲苦供億不支請
以後凡大兵駐二郡旁邑協濟供應則衆擎易
舉民困以甦沈然之章上得爲例有忌之者請
補外涇怡然歸日手六經史漢暨韓柳陶杜集
校讐批點博極淹通多所纂著與夏峯孫鍾元
徵君理學契洽筆札往復無虛月撫孤侄如已
子嘗愛經於無錫孝廉堵濂生歲時周問不衰
歿爲服心喪卹厥孤友有貧不能婚其子者資
之娶州士老而獨以無殮爲憂涇爲買槥資醫
藥士喜竟以起路有棄嬰兒一見卽收育之里
居二十年足未嘗至公庭遇鄉人大利害或不
平事卽侃侃論列鮮所顧畏當事重之喜志人

諍之其剛方嚴正蓋性然也祀鄉賢祠長子搢

端亦成進士歷立學士侍郎

樂體元

字心化總角能文子然自負人莫得而遜之家徒壁立處之泰然事繼母撫異弟以

孝友聞萬歷戊午舉於鄉入國朝仕荆門州知州有惠政子五人二舉明經二食餼於庠成進士可以知其

讀書能教子矣

陳聖俞

號起菴幼卽知篤學迨長日誦讀不輟張大司馬異之延以課其孫榕端後登甲科

入翰林蓋得之家訓與師訓相兼也順治甲午舉於鄉戊戌成進士授永嘉令永嘉俗刁猾動操長吏長短以危言中之被逐去者相望聖俞至則頌聲大作出於誠然上官屢加獎諭聖俞因申請題免逋賦數千金辯復諸生之罣誤者十餘人代民還營債贖其畱質妻女其他善政

累累以內艱歸囊橐蕭然不異寒士未幾卒永
嘉人思之因與前合之有聲者漢陽王公竝肖
像以祀題曰
漢盜雙清

孝友

唐

李

傑

滄陽人以
孝友著

宋

韓令坤

磁州人後周時坤父倫許州行軍司馬
有罪當棄市坤泣請於世宗得流海島

明

李

虞

天性孝友先世貲產
盡讓於兄鄉人稱之

李

聰

幼失怙恃事兄如事父待異母弟如同母推廩餼共之

張仁聲

生有至性以序出繼從父嗣能婉孌致孝兩父歿皆哀毀骨立弟天遺孤惟一女撫

之過其子
人以爲難

國朝

陳聖俞

遭家多難奉孀母撫弱弟備極孝友

張

衍

字振甫大司馬鏡心第六子母太夫人疾且篤醫藥罔效衍禱於神請以身代割股

和藥以進母飲之立愈人咸云誠孝所感衍聰穎好學辛卯鄉試已薦弗得年二十八歿一時

爭惜
之

隱逸

金

靖天民

字達卿淦陽人嘗兩魁鄉試自期不凡晚年買田南湖葺亭種竹木以詩酒爲樂號

南湖老人與

曹珏皆知名

曹

珏

字子玉淦陽人兩赴庭試未薦後居方城二十年以教授爲業正大末用薦者言以文行徵會兵起不果世以曹徵君稱之後居襄陰自號鸞鸞老人有卷瀾集二卷

義行

金

曹

珏

資稟篤實世俗機械舉不知有之少嘗再娶未久婦卒其父哀痛成疾珏往候之所親云父初不病痛女甫嫁而死徒捐奩具耳珏遂盡其所得直百金竝兩女使悉歸之方城人

倉卒避吏畱一篋而去珏救家人毋竊視事定其人復來授篋驗之貯金滿中封識宛然里中郭提控者喪亂中聚老幼數千守一砦自保人証其叛州將捕繫罪且不測珏赴州治爲申理之郭得亡罪而珏幾爲道梗不得還是時民相依避兵珏擇其尤貧弱者養之全活者衆羣不逞乘機欲爲亂父老曉之曰爾曹獨不愧曹先生父子耶子國器愿信有父風

明

宋宗濂

字仰祁州庠生讀書慕義幼從父遊京師有艷婦夜半挑之拒以厲色潞州衛指揮

顧從儉家貧不能襲職傭工餬口濂養其妻子子之金遂得贖又損貲倡修石橋以濟行旅人咸義之後

無疾而卒

李暹

明正統間過客投宿遺白金十鑑暹伺其人還之贈謝不受壽九十舉壽官鄉飲

花景春

世居彭城鎮居民稠密流移之死者多無地埋葬景春捐地百畝爲義塚至今死者

賴之

索文德

白土里人明嘉靖三年歲凶捐粟千石以濟貧民活者甚衆

高富

二祖里人平生尙義濟貧困撫孤幼兄弟同居至老不分析時人以孝友稱之年七

十舉鄉飲

許尙志

在坊里人輕財重義捐地一頃七十畝入學贍士舉鄉飲

劉大芳

在坊里人墓遠年無主遺骸助千戶許繼祖棺木捐金完貧人申用奇胡敏張孝婚

娶所行善事甚多

韋遵義

和親睦族好善樂施禮墓從伯父母資助貧士婚姻人稱其義

王世錦 明崇禎七年流寇逼城錦捐粟三百石給
粳夫使得飽食無饑疲之患晝夜防守城

賴以全

國朝

武

經

生平樂行善事康熙年間見北關至杜村
二十里地勢窪下霖雨泥淖行旅不便遂

苦身瘁志風雨不輟匍募數年築壑增高建石
底暗橋十座以洩積潦使行人永無阻滯之患

列女

安氏

名正固元平章政事祐之女參知政事王時
妻時分守太原殉難氏聞變與妾李氏同赴

井死事聞贈梁
國夫人謚莊潔

艾氏

州民劉智妻明永樂元年智歿氏年二十一
無出守夫喪以事舅姑愈加孝謹至永樂二

年舅姑相繼歿氏復守舅姑喪釋服之後依
父母而處苦節五十二年年七十五歲卒

武氏

庠生梅瓚妻事繼姑以孝聞夫早故生子纔
十月時值饑窘繼姑與父母欲奪而嫁之氏
以死自誓撫育孤子勤紡緝歷
艱苦二十餘年不改事聞旌表

于氏

千戶吳鐸妻
奉詔表門

都氏

軍人袁昇妻明正統十四年昇征北陣亡生
子亦歿舅姑念家窘氏又年少無子欲奪而
嫁之氏以死自誓日勤鍼工易衣糧侍養愈謹
迨舅姑卒遺一子一女氏卽代撫育成入守節
三十餘年卒
事聞旌表

張氏

千戶所舍餘耿倫妻年二十九歲夫疾氏割
股以救及夫歿撫子耿方耿正成立方又卒
勵媳陳氏茹苦同守耿正亦
敬嫂節義同巽不忍分析

陳氏

千戶所舍餘董大都妻大都歿氏方二十二

歲毀形翦髮不出戶庭鄰婦誘而嫁之輒忿怒詈罵以至不食寢息惟一小土

臺夜常坐而不臥守節十餘年卒

張氏

在坊里民白焯妻天性純謹事舅姑最孝焯歿氏方二十八歲撫育孤子紡織自給雖家

極貧苦而志不小渝

守節五十餘年卒

牛氏

庠生李邦奇妻娶三年奇歿氏懷遺腹五月而生子父母因年少欲奪而嫁之氏絕食幾

死父母不能強

守節十餘年卒

武氏

千戶所舍餘王邦相妻邦相早歿氏方二十歲誓不再適以女工易粟養姑育子苦節

三十餘

年而卒

劉氏

西北廂里民張天祿妻天祿歿氏年二十有七家甚艱難惟日紡織度日子女俱無守節

不
易

師氏

在坊里民陳倉妻倉歿氏方二十四歲撫育幼子誓不再嫁後遇強賊黎時熙持刀夜入

欲凌之氏堅執不從罹刃而斃

查氏

應襲百戶牛慶妻年二十五歲慶卒氏以節自守矢死靡他孝養舅姑撫育遺腹子牛接

武承繼祖職堅節四十餘年卒

劉氏

千戶所軍餘王崇教妻崇教病將危氏割股救治獲瘳後氏卒教感其義亦不再娶

武氏

詳見下

郭氏

詳見下

張氏

州民梅溥妻溥死氏年方十九生一子癸癸無依守節不變與祖姑武氏姑郭氏前後相

繼州表之稱
日一門三節

金氏牛氏

閩本妻與男閔九德妻牛氏姑婦孀居守節堅白歷久不變州表其門

張氏

千戶所軍餘劉三友妻三友病冬月劇寒氏單衣奉湯藥每籲天求代三友病篤語氏曰

汝年少我死奈何氏泣曰請與君同穴三友死

氏縊於園樹下姑曹氏覺之救免復縊鄰居趙

媪救免家人晝夜看守至殯期修齋醮氏怡然

供事人不爲防夜半整衣自縊死事聞旌表

劉氏

監生申用休妻用休亡一子尚在襁褓氏事舅姑稱孝舅姑歿氏治喪盡禮撫其夫二幼

弟甚義勤儉持家田產日盛及分析時毫

不以私其子守節四十五年事聞旌表

郭氏

庠生張延槐妻延槐故氏年二十四子女俱無甘心守節孝養舅姑州表其門

宋氏

軍人張鴻漸妻年二十四夫亡無子撫

任張杞爲嗣事舅姑極孝州表其門

岳氏

州民姬檜妻年三十一歲夫逝無子立志苦守事姑盡孝養歷四十七年備嘗艱苦無悔

心無怨色壽

七十八卒

陳氏

州人申士元妻士元故氏年二十五誓不再嫁奉事舅姑甚孝後七載姑故舅病癱三易

寒暑凡飲食皆親奉榻前撫遺腹子璿成立苦節四十五年卒

郭氏蔡氏

李羣妻羣故氏年十九一子甫三歲舅姑欲圖改適氏斷指自誓死而復甦撫

子化麟弱冠又卒復勵幼婦蔡氏同守節撫育孤孫成立人稱一門雙節

楊氏

庠生武溥妻明崇禎十五年寇亂氏被擄寇以刀環氏挾之上馬氏強投地者三不得死

遂奪刀自刎賊

亦驚歎其烈

劉氏

州人王崇謙妻年十九歸崇謙越二歲夫亡氏矢死靡他後貧苦益甚或勸其再醮氏曰

求生活乎益勵其節壽八十四卒

張氏

州人劉鰲妻鰲卒氏年二十三撫幼孤艱苦備嘗事翁姑最孝明天啓元年遭強寇入掠

氏親持磚石擊之賊遯去次日官跡被傷之賊捕獲之云攻門時若有神擊則知氏之節孝能

格神也教子垣弱冠補弟子員亦旋卒與媳楊氏同守節年七十餘終

尹氏

槐樹里民尹九才女年十七未字明崇禎間寇亂被執女恐汚給賊云我父埋金在後園

樹下賊喜同往取至樹旁井所女奮身投井死焉

韓氏

史村人韓正季女性莊謹寡言笑年十五遭流賊亂被執氏持石擊賊賊怒縛於馬上以

刀矢環偪氏正色罵不絕口賊殺之三日色如生

王氏

州民孫志仁妻年十七歸志仁逾年志仁歿子女俱無或有勸其改適者氏矢死不貳操

井白勤紡績善事舅姑終其身如一日崇禎十三年土賊亂氏隨舅姑避難路拾遺金一橐須臾求者至悉還之年七十無疾而逝

王氏

儒童劉傑妻傑歿氏年方十九痛哭擗踊誓不復生及葬親送墓所投穴中爲人掖出之

復投河賴親衆救免一日乘人防稍疎自縊死

牛氏

王看村人王朝輔妾羣盜嘗夜劫其家家人驚散朝輔被執盜以刀加頸逼索財帛氏時

隱旁室中聞變奔往赴之急用兩手掣刀割裂墮指終不放朝輔因得逸氏被重傷數日而死

韓氏

庠生王師孔妾師孔無子娶氏僅生一女復娶楊氏有妊師孔卒楊氏他適氏毅然獨留

與女居師孔生平設帳積束修貲置薄產族人以其無後攘分之又欲嫁氏利其聘財謂氏曰

女長亦他姓人汝艱苦若此何不早擇富家往氏哭曰夫君有遺腹在外倘幸生男我如去若

喜曰夫君有後矣卽撫養之如已出長成娶婦
生孫遂延夫脈氏

壽至七十二歲卒

王氏

州民楊大臣妻大臣卒氏年十九一子纔六

月公姑又相繼亡母家亦無親戚兄弟焚爨
無倚連遭兵火饑饉兼漳水淹沒房舍無立錫

之地流離困苦人所難堪氏處之宴然有勸以

他適者則截髮爲誓教子讀書成立假訓

蒙資以供菽水氏甘之守節四十五年卒

武氏

舉人楊濟妻濟卒家無餘貲氏毀容杜門以

女工自給撫育二孤守節五十年有司旌表

曹氏

生員張衍之妻年十七歸於衍事舅姑以孝

聞善綜理家政俾衍竭力於學衍卒哀慟欲

絕以子幼屢勉撫

育後衍五歲而亡

義僕

趙榮 杏治村人爲趙明經家僕習撲斫巧慢築挑
之事皆能之晨起鬻手工市中得錢無多寡
槩納主人所身自甘省嗇復不愛其力凡一家
便汲樵採負戴奔走之役悉任之嘗大風雪之
野外斧枯木爲薪斡折擊顛僵死樹下明經往
跡之急救得甦積勞老死明經嘗垂泣語人云
老人

康熙二十七年奉

恩詔丙一軍民七十以上者許一丁侍養免其雜泛
差役八十以上者給與絹一疋綿一觔米一石肉
十觔九十以上者倍之

州屬

七十以上者孫那會等九十六名

八十以上者馮邦堵等六十三名
九十以上者吳可秀等十四名

康熙四十二年奉

恩詔內一軍民七十以上者許一丁侍養免其雜泛
差役八十以上者給與絹一疋綿一觔米一石肉
十觔九十以上者倍之至百歲者題名給與建坊
銀兩

州屬

七十以上者李成等八十七名
八十以上者路然等七十三名
九十以上者梁正等六名

僊釋

道豐

北齊時人不詳氏族與弟子三人居鼓山中不求利養於術藝無所不解齊文宣往來於

鄴常過問之應對不思隨事標舉帝嘗賜酒竝蒸豚豐卽噉飲不辭帝大笑少頃去豐謂弟子曰除去牀頭物及發見豚酒俱在不似噉嚼者後臨終謂弟子曰吾在山久汝等有取汲之勞今去當遺以一泉乃於庖舍前去一方石遂有一泉澄映不盈不減至今猶存

賀蘭真人

宋時人不知其所自來嘗居磁之西山山因以名嘗自言白歲善服氣往往不

食始居嵩山紫虛觀後又徙濟源奉僊觀真宗召至闕應對稱旨奇之賜號宗元大師賚以紫服白金仍蠲觀之田賦未幾辭還舊居祥符三年卒時天大雪經三日頂猶熱人皆異之

王津

後漢時人居本州黃華谷首塋其母於谷中相傳爲僊母塚云

二祖慧可

師諱慧可虎牢人也姓姬氏自幼博涉詩書後覽佛典超然自得依香山資淨

禪師出家受具於永穆寺遍學大小乘義年三十二返香山終日宴坐於寂默中倏有一神人謂曰將欲受果何滯此耶大道匪遠汝其南矣神人自知神助因改名神光異日覺頭痛如刺其師欲治之空中有聲云此乃換骨非常痛也光遂以見神事白於師視其頂骨卽如五峯秀出矣乃曰汝相吉祥當有所證神令汝南者乃少林達摩大士必汝之師也光乃往見達摩時達摩大師面壁端坐光侍於旁精勤六載畧無倦色時雪夜光堅立不動遲明積雪過膝達摩憫而問曰汝久立雪中當求何事師淚曰惟願和尚開甘露門廣度羣品達摩曰諸佛無上妙道曠劫精勤豈以小德小智欲冀真乘徒勞動苦光聞誨勵潛取利刀自斷左臂置於達摩前達摩乃曰諸佛最初求道爲法忘形汝今斷臂吾前求亦可在遂易名爲慧可光曰諸佛法印可得聞乎達摩曰諸佛法印匪從人得光曰我心未甯乞師與安達摩曰將汝心來與汝安光曰覓

心了不可得達摩曰我與汝安心竟達摩欲返西天乃命各弟子曰時將至矣曷言所得乎道副對曰如我所見不執文字不離文字而爲道用達摩曰汝得吾皮尼總持曰我今所解如慶喜見阿閼佛國一見更不再見達摩曰汝得吾肉道育曰四大本空五蘊非有而我見處無一法可得達摩曰汝得吾骨光惟禮拜復依位而立達摩曰汝得吾髓乃告之曰昔如來以正法眼付迦葉尊者展轉囑累而至於我今付囑與汝內傳心印以契本心外付袈裟以定宗旨偈曰吾本來此土傳教救迷情一花開五葉結果自然成達摩又曰吾有楞伽經四卷亦付汝卽是如來心地要門合諸象達摩可悟人自達摩託化西歸師繼闡元風博求法嗣傳法於僧璨是爲三祖鏡智禪師付囑旣已卽於鄴都隨宜說法四象歸依聽者林會時有辯和法師者於寺中講涅槃經學徒問師闡法稍稍引去辯和不勝其憤興謗於邑幸翟仲侃仲侃感其邪

隋文帝開皇十三年癸丑歲三月十六日
寶公姓武氏磁州人慧性超絕金大定初於淦陽
造仰山寺殿宇華麗柱上作金龍蟠之忽有
題句於柱上云人道斑鳩拙我道斑鳩巧一根
兩根柴便是家緣了寶公大悟卽入西山結茅
以居後遍歷名山住峴峪寶巖
寺一夕大風震地端坐而逝

徽州志卷之十七

知州折津癘 擢重訂

藝文上

文以載道也亦所以紀事數千百年事不勝
則文亦不勝傳而文之傳者絕少何耶子曰
之不文行而不遠又曰辭達而已矣然則言
乎文而辭期於達本之理而錯綜以成章所
文也充乎氣而條鬯以爲辭所謂達也前志藝
文頗多理析氣充之作而明代以前著述寥寥

惜哉其不傳也因取藺相如傳並輯廉頗傳
補之後有作者亦可想見文之所由傳也未

藝文

漢文

萬石公傳

司馬遷

萬石公者宋人也爲趙宦者令繆賢舍人趙惠文王
時得志和比璧秦昭王聞之使人遺趙王書願以
五城請易璧璧王與大將軍廉頗諸大臣謀欲予秦
秦欲以之爲行徒見欺欲勿予卽患秦兵之來計

定求人可使報秦者未得宦者令繆賢曰臣舍人蔣
相如可使王問何以知之對曰臣常有罪竊計欲亡
走燕臣舍人相如止臣曰君何以知燕王臣語曰臣
常從大王與燕王會境上燕王私握臣手曰願結交
以此知之故欲往相如謂臣曰夫趙彊而燕弱二
幸於趙王故燕王欲結於君今君乃亡趙走燕三
趙其勢必不敢留君而東君歸趙矣君不如肉四
斧質請罪則幸得脫矣臣從其計大王亦幸赦臣五
竊以爲其人勇士有智謀宜可使於是王召見蔣蘭

相如曰秦王以十五城請易寡人之璧可予不相
曰秦疆而趙弱不可不許王曰取吾璧不予我城
何相如曰秦以城求璧而趙不許曲在趙趙予璧而
秦不予趙城曲在秦均之二策寧許以負秦曲王曰
誰可使者相如曰王必無人臣願奉璧往使城入趙
而璧留秦城不入臣請完璧歸趙趙王於是遂遣相
如奉璧西入秦秦王坐章臺見相如相如奉璧奉秦
王大喜傳以示美人及左右左右皆呼萬歲相如視
秦王無意償趙城乃前曰璧有瑕請指示王王授璧

相如因持璧却立倚柱怒髮上衝冠謂秦王曰大王欲得璧使人發書至趙王趙王悉召羣臣議皆曰秦貪負其疆以空言求璧償城恐不可得議不欲予秦璧臣以爲布衣之交尚不相欺况大國乎且以一璧之故逆強秦之歡不可於是趙王乃齋戒五日使臣奉璧拜送書於廷何者嚴大國之威以修敬也今臣至大王見臣列觀禮節甚倨得璧傳之美人以戲弄臣臣觀大王無意償趙王城邑故臣復取璧大王必欲急臣臣頭今與璧俱碎於柱矣相如持其璧睨柱

欲以擊柱秦王恐其破壁乃辭謝固請召有司案圖指從此以往十五都子趙相如度秦王特以詐佯爲予趙城實不可得乃謂秦王曰和氏璧天下所共傳寶也趙王恐不敢不獻趙王送璧時齋戒五日今大王亦宜齋戒五日設九賓於廷臣乃敢上璧秦王度之終不可強奪遂許齋五日舍相如廣成傳舍相如度秦王雖齋決負約不償城乃使其使者衣褐懷其璧從徑道亡歸璧於趙秦王齋五日後乃設九賓禮於庭外引趙使者藺相如相如至謂秦王曰秦自繆

公以來二十餘君未嘗有堅明約束者也臣誠恐見
欺於王而負趙故令人持璧歸間至趙矣且秦強而
趙弱大王遣一介之使至趙趙立奉璧來今以秦之
強而先割十五城予趙趙豈敢留璧而得罪於大王
乎臣知欺大王之罪當誅臣請就湯鑊唯大王與羣
臣熟計議之秦王與羣臣相視而嘻左右或欲引相
如去秦王因曰今殺相如終不能得璧也而絕秦趙
之歡不如因而厚遇之使歸趙趙王豈以一璧之故
欺秦邪卒廷見相如畢禮而歸之相如既歸趙王以

爲賢拜爲上大夫秦亦不以城與趙趙亦終不與秦
璧其後秦王使使者告趙王欲與王爲好會於西河
外澠池趙王畏秦欲毋行廉頗藺相如計曰王不行
示趙弱而且怯也趙王遂行相如從廉頗送至境與
王訣曰王行度道里會遇之禮畢還不過三十日三
十日不還則請立太子爲王以絕秦望王許之遂與
秦王會澠池秦王飲酒酣曰寡人竊聞趙王好音請
奏瑟趙王鼓瑟秦御史前書曰某年月日秦王與趙
王會飲令趙王鼓瑟藺相如前曰趙王竊聞秦王善

爲秦聲請奉盆缶秦王以相娛樂秦王怒不許於是
相如前進缶因跪請秦王秦王不肯擊缶相如曰五
之內相如請得以頸血濺大王矣左右欲刃相如
相如張目叱之左右皆靡於是秦王不憚爲一擊缶
如顧召趙御史書曰某年月日秦王爲趙王擊缶
秦之羣臣曰請以趙十五城爲秦王壽藺相如亦曰
請以秦之咸陽爲趙王壽秦王竟酒終不能加勝於
趙趙亦盛設兵以待秦秦不敢動旣罷歸國以相如
功大拜爲上卿位在廉頗之右廉頗曰我爲趙將有

攻城野戰之大功而藺相如徒以口舌爲勞而位居
我上且相如素賤人吾羞不忍爲之下宣言曰我見
相如必辱之相如聞不肯與會相如每朝時常稱病
不欲與廉頗爭列已而相如出望見廉頗相如引車
避匿於是舍人相與諫曰臣所以去親戚而事君者
徒慕君之高義也今君與廉頗同列廉君宣惡言而
君畏匿之恐懼殊甚且庸人尙羞之况於將相乎臣
等不肖請辭去相如固止之曰公之視廉將軍孰與
秦王曰不若也相如曰天以秦王之威而相如廷叱

之辱其羣臣相如雖鴛獨畏廉將軍哉顧吾念之強
秦之所以不敢加兵於趙者徒以吾兩人在也今兩
虎共鬪其勢不俱生吾所以爲此者以先國家之急
而後私讐也廉頗聞之肉袒負荆因賓客至藺相如
門謝罪曰鄙賤之人不知將軍寬之至此也卒相與
歡爲刎頸之交

廉頗傳

司馬遷

廉頗者趙之良將也趙惠文王十六年廉頗爲趙將
伐齊大破之拜爲上卿以勇氣聞於諸侯後伐齊破

其一軍居二年復伐齊幾拔之後三年攻魏之防陵
安陽拔之秦伐韓軍於關與王召廉頗而問曰可救
奢對曰道遠險狹難救召樂乘而問焉樂乘對如廉
頗言又召問趙奢奢對曰其道遠險狹譬之猶兩鼠
鬪於穴中將勇者勝王乃令趙奢將救之大破秦軍
遂解關與之圍而歸趙惠王賜奢號爲馬服君趙奢
於是與廉頗相如同位後四年趙惠文王卒子孝成
王立秦與趙兵相距長平時趙奢已死而惠相如病
蘇秦卑蘇秦攻秦秦樓敗趙軍趙軍固壁不戰秦樓

挑戰廉頗不肯趙王信秦之間曰秦之所患獨畏馬服君之子趙括爲將耳趙王因以括爲將代廉頗秦軍射殺趙括數十萬衆遂降秦秦悉坑之明年秦兵圍邯鄲歲餘幾不得脫賴楚魏諸侯來救乃得解邯鄲之圍邯鄲圍解五年而燕用栗腹之謀曰趙壯者盡於長平其孤未壯舉兵擊趙趙使廉頗將大破燕軍於鄣殺栗腹遂圍燕燕割五城請和乃聽之趙以尉文封廉頗爲信平君爲假相國廉頗之免長平歸也失勢之時故客盡去及復用爲將客又復至廉頗

曰客退矣客曰吁君何見之晚也夫天下以市道交君有勢我則從君君無勢則去此固其理也有何怨乎居六年趙使廉頗伐魏之繁陽拔之趙孝王卒子悼襄王立使樂乘代廉頗廉頗怒攻樂乘樂乘走廉頗遂奔魏之大梁頗居梁久之魏不能信用趙以數困於秦兵趙王思復得廉頗廉頗亦思復用於趙趙王使使者視廉頗尚可用否廉頗之仇郭開多與使者金令毀之趙使者既見廉頗廉頗爲之一飯斗米肉十斤披甲上馬以示尚可用趙使還報王曰廉將

軍雖老尚善飯然與臣坐頃之三遺矢矣趙王以爲
老遂不召楚聞廉頗在魏陰使人迎之廉頗一爲楚
將無功曰我思用趙人廉頗卒死於壽春

元文

采芹亭記

胡祇遹

州人元大
中大夫

皇朝內京師外府州縣鎮在在崇建廟學得區宇門
庭形勝之美者惟滏陽爲最何以言之宅神靈則貴
乎爽塏幽深聚學者則宜於閑寂僻遠不雜闐闐塵
囂則神安而道尊學者無耳目之紛亂則心定靜而
業專攻人欲淺而天機淡故近代學者或於山林或
於江湖遠凡囂也滏陽當南北東西之交衝車馬塵
坌而廟學遠出市井不混民居以州外城爲東墻殿

宇樞邃廟廡修廣師席生齋別爲門墻尊遠神宇外
門之南俯視芰荷平湖長廣數十畝蒲柳龜魚溪光
山影城市中得江湖湖亭曰采芹每夕陽西側諸生
講習餘暇過長橋趨危欄攜琴曳杖挾冊鼓篋危冠
袞衣州人望之蕭然若圖畫羣仙之登瀛州也亭廢
於金亡之兵前政屢欲復起竟以事梗達魯花赤教
化的昭信知州曹朝列同知劉承務州判博可進義
下車未期事辦民安按州誌披地圖舉廢典曰遺基
在嘉名存花時月夜席地慕天荒廢質野主州治者

能無愧乎。璧璽金木所費幾何而弗爲也。遂各出已俸以倡。始州人聞之樂爲之助。不傷西山一木一石。不費公帑一錢一粟。不動聲色數月而巍煥一新。美哉。州主知爲政之後先也。民安於政。平政平於職官之得。人人材出於學校之教養。斯亨也。作成人材之地。非止於娛賓友館上官而已耳。魯頌曰。思樂泮水。薄采其芹。魯侯戾止。其音昭昭。載色載笑。匪怒伊教。今日州學古諸侯之泮水。又曰穆穆魯侯。敬明其德。敬慎威儀。惟民之則。以是觀之。采芹之有亭。豈徒爲

游宴之所也耶不肖州屬縣之鄙人官長政善徒美而不能文諸石光千古而觀來者鄉人樂善輕財不能暢其良心播其佳聲是責也誰歸靈臺侍御史馬公升年謝曾適丁斯亭之經始鼓舞贊成用意實多亭之落成又出家貲立石以紀其美督不肖當筆書爲之書

崔府君廟碑記

王德淵

元學士

穢有神廟峙於東門之內曰靈惠齊聖廣祐王由古及今歷代之君封加享祭恩禮不衰由近及遠四方

之民奔走祈禱敬信不怠其靈驗可知已王姓權
顯名於隋唐之間爲滏陽令有神政太宗朝召拜
蒲州刺史卒於官臨終遺命歸葬滏陽滏陽隸磁州
爲附郭縣磁人思其德立祠事之如生後唐天祐十
二年郡將靳侯遷神像於法觀其汛掃香火之事道
者主之宋咸平元年召守臣入京蓋有宣室之問遂
命劉蒙正大修神宇榜曰府君之廟右正言知制誥
趙安仁奉敕文其碑景祐二年封護國顯應公元符
二年詔以神之威力變化其爵弗稱乃卽舊而王之

尋加昭惠袞冕儀衛一遵禮秩大觀二年大守韓景
奉旨益崇廟貌御筆書額以賜之景勒之於石覆之
以閣徽欽板蕩閣燼石存金有中原以衡嶽在宋境
命王權行南嶽事謂之亞嶽太和元年郡幕官竇衍
發所瘞墓誌於西閣得王之世系靈異事爲最詳因
請上黨簿潘希孟記之潘亦磁人文章得業爲當時
冠金末兵亂廟圯記完國初以武功定天下禮文未
遑時則有五路萬戶開府史公天澤首命本州長官
杜旺水軍總管劉涉八力爲修葺迨於是祖皇帝百

廢興舉禋望祭秩徧於羣神越至元十三年趙宋告
亡地盡南海十五年歸嶽祀於衡山改封王以齊聖
廣祐之號與五嶽歲時同致祭焉今皇上登極以來
敬神保民道被幽顯其自古聖帝明王忠臣烈士祠
宇所在恩渥有加元貞二年春平章政事榮祿安公
祐奏請加封天子允之詔曰有功則祀古今之常經
無感不通神明之至德齊聖廣祐王禮嚴祀典名著
史編歷代褒崇洋洋闡靈之如在生人嘉賴簡簡垂
惠以無疆曾司衡嶽之權久重滄陽之鎮靈惠夫人

風稱柔則克配英風玉燭均調順陰功而內助翠帷
儼肅祐多福以旁周宜竝錫於嘉名用茂揚於休聞
於戲渙其大號既遺爾家室之榮享於克誠益贊我
山河之固齊聖廣祐王可加封靈惠齊聖廣祐王靈
懿夫人可加封順祐靈懿夫人王者施行有司欽承
以牲牢備物宣讀詔文致告於廟三獻禮終韜置神
室尋復奉御寶聖旨護持禁約毋或侵褻廟主提點
顏貞太師趙宗貴提領純和太師梁宗正因議摹勒
石金相蒙古本字於上漢譯隸字於中記

植請殿前昭神威而侈國賜禮也大德三年州之耆老復以廟制未極崇貴乞官爲修理州聞之廣平路聞之中書禮部部聞之省今平章政事榮祿梁公德珪久歆神明遙領外護援據典理奏從其請爰降中統楮帛一萬緡期於新完而後已是行也提領梁純和實來京師因陝西行臺治書侍御史滄陽安公祐遣詣史館言於王德淵曰子常居磁下親際耳目於神爲鄉人今載筆翰林職掌記述於國爲史氏以公以私記將安往余聞之悚然不敢以蕪陋辭則應

曰諾按周官曰宗伯掌邦禮治神人和上下祀典曰
禦蕃捍患有功於民則祀之儻有功不祀是爲慢神
無功祀之乃爲淫祀非惟宗伯之失神亦不以爲榮
惟是王祠雨暘疫癘有禱輒應福祐方面功不爲輕
神之受享國之奉神可爲兩無愧矣是碑之立非徒
銜目實使人人瞻誦而生敬心違觸不恭國有顯刑
神有冥禍可不戒哉其見於潘碑者茲不疊出

明文

請大發兵將剿寇疏

張鏡心

明總督
尙書

謹題爲流寇之披猖已極中原之決裂可憂直述聞
見情刑仰祈聖明大發兵將急救咽喉以安重地事
臣惟天下事必合算定而後可與圖功必審機明而
後可與應變若擊左則緩右實後則虛前本欲省費
而卒至大費競言殺賊而卒至縱賊有識之士所以
扼腕而嗟也自寇之起於秦延於晉以晉中守不定
致秦中剿不成迄今秦若差安而寇原未滅晉亦皇

上土宇也其何分於彼此哉而今又移而之豫矣乃
皇上赫赫明綸樞部鯁鯁熟計何嘗不曰追剿日夾
擊者而不知豫兵之原不任戰也豫之風氣視晉更
弱無事之兵左旋右抽有事之兵鳥驚魚散夫晉兵
不能任敵不必借於秦將之如雨如雲豈豫兵反能
殺賊而止憑夫昌平之一弁一旅哉譬驅虎者十人
執戈而尾其後一夫持挺而格其前不問而知其前
之蹶也所以豫州通省之兵止得七千自流寇去年
犯覃懷失兵數百失將數員矣正月犯武安失兵數

百失將數員矣破城屠野慘不忍言猶幸其旋入旋出也三月初旬犯濟懷失兵則千餘失將又數員失賊且長驅於河修輝林安磁之間而不去矣猶幸左良玉一捷少遏其鋒也迨三月二十日賊再犯武安三犯清化同時殺陶希謙越劾忠兩遊擊矣潰亡兵又二千餘矣左良玉隻身單懷不但孤注之危且屬強弩之末不能鞭風駕霆照顧於七百里之間矣而臣鄉七千之兵已約畧喪盡卽欲求半旅以救武安而不可得也則臣鄉之危乃真一髮千鈞而朝不保

夕者也况河南關係大異秦晉秦晉偏於西有險可恃河南居其中平原四達且曹濮厝火之憂近在咫尺亢村揭竿之變禍起腹心太康等縣饑民之嘯聚實繁有徒南陽等地礦賊之蔓延投隙而動苦使流寇一合四面響應咽喉阻塞漕運不通此時朝廷縱留全省之餉罄邊塞之兵何濟於事故爲今之計必須勁兵如左良玉者共得四支分布四路爲畫界之守張犄角之聲四路者何懷濟宿勅兵三千而以名將統之守道監之輝林宿勅兵三千而以名將統之

兵備道監之武涉宿勅兵三千而以左良玉統之巡道監之靈陝近河處所宿勅兵三千而以名將統之巡南道監之其豫兵之已欺者可缺而不可補也補之亦烏合而存之則實餉也其豫兵之僅存者可撤而城守也象人之不可戰而塵飯之不可啖也取缺餉以待客兵撤弱兵而圖自固如是者四路屹然如金城錯峙可以堅壁清野可以縱橫批擣豫不開楚挺之門賊始處釜魚之勢不出數月寇可靖盡庶一了百當而夾擊之功成無窮之禍斷矣或曰晉已罄

秦兵萬餘豫又請邊兵一萬得無大費不知晉豫之
兵力少有低昂則低者爲壑繇豫而楚而齊賊亂無
極則焦頭爛額之功又豈止於二萬兵哉聞臣同鄉
公疏同官常自裕耑疏業已請鄧玘川兵竝留餉十
萬矣但玘兵六千盡是步卒以之格賊馬戰恐非討
之全也伏乞如臣鄉撫臣所請李卑兵千餘過豫與
玘兵合再祈皇上留臣鄉應解太僕馬千匹以給鄧
玘庶幾有濟若餉則十萬之外加以臣鄉潰兵不補
之餘其可足矣抑臣又有慮焉李鄧二將之兵非旦

夕可到臣郡武涉之危破在晷睫頃臣過真定時見
地方寧謐絕無震鄰之驚撫臣丁魁楚慨然有纓冠
之誼爲唇齒之護伏乞皇上敕其一旅往援以竅大
兵之至此尤救急之着所萬不得已而仰爲呼籲者
也至新撫臣元默入境之始適丁多事焦勞籌畫拮
据若心若得皇上速給兵將使之調度展布應手收
功地方之福也臣于役過里身在水火之中目擊塗
炭之危大聲之呼急不擇語仰惟聖明鑒允臣無任
激切待命之至

代河北災民祈免疏

張鏡心

河南彰德府磁州武安縣衛輝府淇縣災民趙鑑等
謹奏爲災黎苦中之苦懇乞聖明仁外之仁亟賜蠲
免以存孑遺事臣等河北地方自十一二三四等年
累歲奇荒非旱卽蝗山焦水竭草死木枯面鳩形鶻
食與禽獸等倫理相殘瘟疫大作死徙靡依盜賊蜂
起盤踞臣磁武馬鞍山等寨及淇縣附近百泉山等
寨搶掠焚燬瀰天漫地如屠如掃幸荷聖明遣保督
楊文岳鎮臣虎大威大兵撲滅於十四年之春誅殺

無算原野爲空寇黨雖鋤人烟亦絕目今臣等三州縣有地無人有田無耕卽去冬今正畧有雪澤究竟亦荒榛茂莽錢糧出自何地敲比加於何人止靠城中鄉紳素封之家替賠一二臣等村市遺黎思想趨農布種望見官府催科之令誰敢出頭春作旣空秋收何望哀哀下情何繇上達且河北荒寇疫癘極災情形現今撫按檄下道府一察再察報疏覆咨達皇上御前不止一次豈是臣等有可奈何而敢煩瀆者乎臣等居近上畿傳聞聖慈垂念國本槩免十一二

年逋欠又免河南四府十三四年逋欠浩蕩洪恩如
天地日月無不臨炤豈獨遺臣等向隅之情若以中
州八府論之河南誠苦若以河北三府論之淇磁武
臨林爲苦再以五州縣論之天災賊禍磁武淇又爲
最苦往來官員經縣耳聞目擊千眞萬眞嗟嗟一州
縣錢糧在河北三府不當百分之一三州縣災患在
河北三府實有萬分之甚懇祈皇上帝開惻隱俯念
河北苦中之苦萬不能支特敕該部察三州縣災寇
極重情形炤撫按屢次核確疏咨將十三四年一切

起存錢糧關津米豆除大小鄉紳炤舊全完外凡係窮民拖欠槩行蠲免以救水火以存餘息庶臣等猶乃見天日爲盛世再生之民一字一血冒死叩闕伏祈天鑒矜察施行

請假送親疏

張鏡心

謹奏爲微臣烏私萬苦謹遵送親典例仰懇天恩允假以彰孝治事臣聞人身親生之君成之臣通籍事君二十一載未嘗侍親一日孝經所謂悖德禮也况臣父母俱八十以上皤然望九值臣督粵五年離家

萬里子思親而毛血盡枯親思子則衰殘彌甚從瘴
癘歸來聚首痛泣恍如隔世烏烏有情誰能再割遂
製卧輿扶親來京日僅半程勞則心悸今年元旦臣
母不能起牀臣從牀下拜伏痛裂五中自是母目
迷語言顛嚙如在夢寐無非以惓惓歸家爲念若朝
不及夕也正擬瀝情入告忽聞薊督之命斯時明
嚴重面奏之下臣不敢引例送親曾蒙天語褒
臣父母之神氣愈加痛楚驚惶至廢寢食矣
命臣不果行割裾之痛殷殷在心故鄉之悲

篤此口在京竝無親男第任代臣將奉臣不
實控皇上高高之天何由下炤正恐風燭衰齡遠
異地必至以臣之身誤臣之親所謂有子不如無不
孝又何忠矣察得大明會典一欵嘉靖十三年題准
京官有老親隨任奏送還鄉者量地方遠近定限俱
作缺煌煌典制臣實相符且臣籍磁州繁鄴畿輔千
里之外徃返非遙察近日昌平治臣劉餘祐關薊督
臣張福臻請假省親俱蒙恩允仰見皇上體臣之思
孝治之典竝行兼被而臣又議用之官與二臣見在

督治者不同當不靳恩於微臣也伏祈天恩敕部照會典定限作缺臣與臣父母感高厚於無極矣至陞賚雖有成命誼難卽安已經具疏上辭因爲奉旨再祈明諭俾臣遵奉臣無任恭顙待命之至

重修學宮碑記

梅友實 明人

天下之治係人才人才之成係學校學校之興係良有司嗚呼世之爲良有司亦難矣按國家功令學校事倚辦有司又不許因而重擾百姓宸衷所爲慮至深遠也邇者法網稍密有司罔敢以毫髮斂諸民拘

士抱咫尺之見規隨因就一切以遁心應之卽有倣儻雄才起而張設改弦功譽未收輒不能無生得失於是有司之視學校幾於楚越其肝膽嗚呼豈得已哉爲有司者亦難矣乃張大夫下車甫期月卽加意庠序周視學宮如殿堂齋居神庖庫廩以至戟門壁水圯者缺者剝落者漫漶者一一鳩才量工修葺而更新之不輕役一卒不妄費一文悉損已俸上不知下不勞而工告成州人士莫不欣欣驩相告也學博士杜君文煜閩君誦徵余言以記余竊歎今之有司

爲此良難乃大夫何其易也此無他人以自私自利之心間之誠難大夫以一家一身之心視之又奚爲其不易彼世有號素封者其家棟宇弗飭則丹雘墻垣不固則連簷何者顧家也人之於身上以修首下以修足莫邪附體則搏疴癢切膚則拊何者爲身也人惟視國弗如家視百姓不如身藩籬一隔百務俱廢而何有於學校大夫治磁恭勤誠懇節約慈護平居恬靜悃悞不喜紛麗至臨機應卒輒從容幹濟恢恢乎刃解不爲矐矯沾譽之行而一念真實素結於

士民環境內凡杠橋道路郵表亭障以及井邑丘墟罔不殫心研神動計成畫而不以蓬廬我磁磁每不歲竭力拊循憂刑於色真不啻痍瘵之切躬若大夫者蓋家視寰宇身視黎庶者也而豈特興一學校史言齊魯之於文學從古以來其天性大夫善政不勝書而尤篤意學校無亦天性固然耶班孟堅氏傳循吏若龔黃諸君子豈不彬彬而文翁居首何蜀本僻陋文翁爲修學宮於成都市中蜀人用茲化於文雅豈非教化功故足多耶矧我磁古鄴多才藪也得大

夫而振育之其靡然顧化寧不較蜀倍蕤余不文且
非載筆姑記歲月爲他日傳循吏者品隲焉大夫山
東朝城人世家張氏名夢麟靜峯其別號也

重修磁州儒學記

崔

銑

明國子
監祭酒

夫可已而作之者厲民者也可作而已之者迷民者
也故達體之政必均其民不搖善乎張侯之修學也
監司汪子命爲之是故舊可仍者吾亡增焉舊所缺
而圯者吾亡襲而不舉焉舊圯而新之者爲堂二日
明倫曰饌爲齋三日進德曰時習曰日新爲亭一日

荆園舊缺而作之者爲神廡爲號房百有二十楹爲
祠者一曰鄉賢夫學所以明人倫也聖建其表賢申
其旨師覺而弟子習之講於堂齋而施諸家與邦射
以正志饌以明讓且夫稽典不若聞諸父兄之審也
求之四方不若驗諸里之坊也一方之人而望諸天
下生其地者可亡興乎豷豕豸者其力憊其效近牯
童牛者其力省其效遠故幼儀不可畧也童心不可
不育也故作社學於學之西區汪子名正字端甫學
純於儒而行端麻城人張珂字子文德興人磁困於

蕪政久矣張侯至而大化行修學其一端云

尊經閣記

萬

浩

明翰林院修撰

磁州儒學舊無尊經閣今年春其明倫堂後文會堂
災越月太守劉君入覲既歸闔學師生暨鄉之縉紳
相與議曰尊經有閣制也先是正德初有欲以堂基
建閣卒不果行茲堂毀數若有待僉謀之劉君君曰
予志也且聞先余者廢觀音閣地增新都院木石虛
積盡移而用命工驗之所遺可半助欣然喜曰昔毀
而棄今藉以用閣之待成果數也遂卜四月二十八

日始事轉移力役資諸在官之暇材費廩值取諸在
公之餘羣作歡奮八月十六日厥工告成基效舊培
起四尺閣崇三丈七尺廣視崇減尺深減一丈壁宇
周固定容文會上鋪以板俟貯經籍櫺牖四設通風
日便覽眺焉予使藩過磁孔君輩謀立石銘遂乃率
諸士請曰惟先生爲文學侍從惟閣落成而使節適
臨幸賜一言以識良遇予也史氏記言廼職矧茲盛
美爲之說曰道至六經尙矣要不出於人倫日用之
常夫民鮮能之何也蓋忽而易之不著不察焉耳誠

使登茲閣也展對六經如聖賢在呂如師保恒臨尊
之而無敢弗敬如筮者於蓍如卜者於龜尊之而無
敢不信以此而學則道立於己以此而教則道明於
人以此而治則道行於天下否雖中心藏之祇彌文
尋而況於閣乎是閣之於經不貴於藏之而貴於尊
之也噫鄉之秀暨師收於茲者褫名求實則敬信之
心自不容已閣之有功於經不其大歟是則建閣之
意也劉君名峻江西萬安族世科第生磁之政亟以
節省為生

節省為生

建立堂殿之

舍增儒林之坊鄉賢名宦祠宇煥然一新其於學校
加意良多建閣特其大者耳

修城記

劉

戩

明翰林
院編修

成化十八年秋河南北大雨漳滏水俱溢壞公私廬
舍磁州城漫漶傾圮存者十有二如餓夫強支立勢
岌岌將仆知州事張侯夢輔顧瞻咨嗟謂天下雖安
惟備乃無患遂以聞於道適副都御史趙公文博撫
治河南因卜其事責成於侯侯勤夙夜一心力度材
之所宜出與工之所宜役要之不懈於民民大喜具

春鍤楨榦趨事恐後相杵之聲聞數里外經始於十
九年八月初吉僅閱月告成用人之力以工計之至
數十萬木甃瓦石之材其費稱是環城樓堞煥然改
觀於是致政千戶張承同耆老武旻輩走京師託其
鄉儀部主事閻君天敘請予爲記予聞磁古邯鄲地
其有城郭自趙簡子始蓋當時所恃以敵強秦震虜
燕齊韓魏者至趙宋時宗澤修之猶足以抗金人而
張之師其險阻可知矣然則張侯之用心於此真何
所先務哉因書其績而并系之以詩曰於赫皇明

圍無外有城無城何足蒂芥守臣遠慮安不忘危厥
咎恒雨復隍以陴廼疆廼理費不及民役以其暇民
喜津津登登馮馮百世之防輿人之頌溢於康莊南
仲在朔山甫在東不勞而集異世同功異世同功邦
家之慶億萬斯年文熙武靖

修城記

于若瀛

明河北道僉事

磁守劉君旣分滏水爲渠建閘灌田盡水利矣則蒿
目磁民已食之胡恃以防之於是請曰是畿南一重
地哉豫八郡鄴爲北屏鄴七郡邑磁爲北屏舉全豫

惟磁障之又北控趙西鄰晉丁子午道爲古今必爭
之域國家分潞州千戶所守禦其間意深遠矣二百
餘年所恃土覆也守土者奈何難一日之役失百世
之險難者謂土覆二百餘年所矣豈無所慮慮動衆
徵役百姓耳矧時詘哉不見南汝開歸流徙者乎噉
噉僵殍漳江之溪踵相接也不此之慮而慮未必然
以防民棄命執緩急矣守曰不然詘則詘矣能無徵
役百姓亡久動衆亡虛帑金藉噉噉者城藉城起噉
噉者不兩利哉必曰勞民防民一隱一顯營始有口

誦德時遷而意沮遲回因沿廢職烏在其守郡爲也
此二百餘年所土覆之耳請益力御史大夫趙公與
直指陳公曰守也才以度於茲議其必成也守嘗分
盜水矣人難渠如難城也卒之闡成盡水利而民不
知也於城何有議既定余從河上調河朔首詢磁父
老子弟曰請城與仍舊貫孰便磁父老子弟亦云亡
難守以度於茲議其必成也守嘗開溢水利食我矣
我食之不知所自出也胡難防我哉先是城東西門
守禦者晝夜嚴斥埃省樓櫓力不逮也遂廢廢之不

加小而東西郭血脈不流貫盍恢復此兩門爲完城
實惟監司與守之惠於是守遂營焉圖石於山圖灰
於石依城而窰溪隍爲籬自七月至十月城成增以
兩門磁民大悅計費七千六百四十五金動官帑僅
六千有奇餘則取給條鞭米穀羨金曾未徵百姓計
工雖三月除風雨輟工實七十有三日耳嗷嗷者日
藉三十錢餬口全活不可以指數已於事而竣磁民
謂余按察河北三郡上觀厥成宜有記余曰磁城二
百餘年所土覆之耳蒞茲土者不知其幾乃亡敢請

者惟是畏事長吏憚於謀始不則虞大役難竟也今
亡徵役百姓亡人動象亡虛帑金且藉城起嗷嗷者
而不沮於一時之議成百年之險卒符御史大夫直
指兩公言亡失磁父老子弟之望與分水建閘之議
兩決兩利而百姓忽自有之不知所自出則斯役也
可以記已守諱安仁字汝勉雲南人

新遷南壇碑記

甯元伯

明磁州
學正

磁關南迄西溢流北涯舊風雲雷雨山川壇居焉天
順間李侯創爲者逮茲七十禩有奇溢流衝突危崖

日侵圯邇則流殆砌址每祀以隘對越之地爲患張
侯守磁始舉祀見而歎曰神者人也人神相依者也
無壘無依無依則離離則將凶於而民乎謀定易立
歲果凶而寢其再祀也又喟然歎曰國之大事在祀
祀無完壘神焉依享所由凶也其誰責之委廼疏由
詢謀當道當道曰都其易立哉張侯猶恐焉下稽諸
有衆衆曰於惟我下民有生弗遂用亂惟神風雲雷
雨山川時若穀用登惟侯大夫師長神人用依我侯
憫我衆有作其疇敢不舍我稽事承侯之休命稽首

而卜吉不
而奠高而壇直而不湫於是路其中以樹界次
西瓶榭殿之次左之中隆方臺爲壇北屋三楹便祀
日彙宿東房如北備潔神羞也門第垣墉紆營周匝
既完且色不疾而速民若相忘於費與力者余亦因
而喟然歎曰休哉張侯茲舉之善也夫我國家建邦
祠侯惟以遂民立壇崇祀惟以庇茲羣生君子務學
惟以治民事神焉爾已是故居侯而不圖報謂之鯨
遺神而不祀謂之慢棄民而不恤謂之虐鯨官匪忠

慢禘匪禮虐民匪仁匪志渝矣匪禮偷矣匪仁殘矣
殘渝以偷是故下叛上離鮮不及矣張侯敬鬼神以
務庶民以求靖共厥職治民事神之學罔有渝迺有
濟曰忠曰禮曰仁一舉而備是故稽諸上下而說也
猗歟茲舉之善哉夫君子能善政以渾厚人民必言
暨譽蕃育之祚則張侯當之矣故曰君子萬物之總
民之父母也後之嗣侯者重念之迺弗過佚侯之
祿志

守佐題名碑記

栗永爵

明磁州知州

余讀史至漢循良傳而竊歎吏道之難也漢有天下
四百年更以最稱者能幾何人哉今天下吏若此其
多也親民莫如守與佐事使而職一苟心乎愛民何
所弗濟故先哲以未嘗親民爲耻意有在矣我朝統
御海內列聖以來於守令之選恒慎重焉由是循良
相望光暎簡牒二百年來其可稱紀者亦不多見
噫嘻其難矣哉惟磁古冀域也距鄴郡僅七十里志
曰震紂之國左孟門右漳滏歷代爲州爲縣或隸或
屬各有不同元復爲磁州聖朝遂因之置守迄今未

自是名貴爲闕典余由夏邑來守磁土每有志立石
以行永久但係衝煩應酬日無寧刻故遲遲至此
恐失其傳也乃於丙寅冬勉力舉此焉竊爲余不
能應命叨任專城矢心殫力今逾四年有半百
廢舉叨蒙當道考最奏績當宁天子亦以爲功錫
三誥命今日受命後益切戰兢特加振厲惟恐弗勝
不才而已方修志之餘適考諸志之所載田洪

嘉靖得若干人將鐫其名字爵里於石因爲

齊泰

北漢幽冀

楚蜀爲天下要衝之地且土無異產民苦重賦守磁地者不尤難哉按州志名宦蹟傳表表者周公敏以下僅數公他未之及焉豈漸靡使然哉余惟是舉也其有感也夫夫古者今之鑑也往者來之轍也辨體以經治者存乎典彰往以詔來者存乎文典以軌物文以永世公署之有題名則將以觀以興以勸以戒賢則企而型焉否則摘而訕焉其庸庸者則耻竝列焉是先民之所以旌淑而警慝者也非所以崇美而飾觀也余之舉是也亦惟行古之道而寓自責自修

之意焉耳夫觀茲石者沿近以遡遠因今以準古所
賴以垂不朽云

重修偃月橋記

郭

朴

郡人明太傅

滏河者磁之鉅川也源出西北鼓山神廟二山去州
治一舍而遠夏秋之際霖雨盛降會諸谿谷之水奔
汛湍激悍決莫制而州境密聯畿輔當南北傳置之
衝四國之輸貢賓旅之往來冠蓋旁午輪蹄雜遝日
以夜繼其不病涉而尼行者賴有石橋存焉橋在州
城南一里許跨河爲梁厥始久遠蓋自金元至於明

朝屢修之嘉靖癸丑夏六月山水暴漲忽壞其半後
漸頽圯殆盡歲踰一紀修建之議莫有倡者隆慶戊
辰河南僉憲廣平申公佐分按茲土力任其事請於
撫按兩臺而協廼擇人授畧鳩材選工檄州守羅君
潮董厥役撤舊石而增新之會以遷去泰安蕭公大
亨來代方事督作未幾亦遷嗣任者洪洞晉公應槐
綜理益密克底於成中爲大券一兩端翼以耳券築
堤上流遠殺怒悍壘石傍岸預防潰蓄敷以砥石衛
以植楯制仍舊貫功同創作事匪棘欲民不告勞率

作屢省之功申晉爲多先後贊襄郡守陳公應麟而
下咸與有勞焉已記在別石茲不具述云聞之君子
曰春秋之法興作必書重用民力也古昔先王之教
川有舟梁子產乘輿濟人孟民直譏之令甲梁橋隄
防職在有司者申飭孔嚴是可以忽乎哉是役也質
之古訓則協揆之憲令則宜且費少而利博一勞而
永逸詎非躉歟凡我邦人因橋成之利以繹思二公
之德則不朽之圖烏可已已是宜礮石勒銘以驗諸
後之人其辭曰有明御宇於燕建都萬方會朝駿奔

趨磁維孔道咽喉筦樞賓旅絡繹紛錯驕車溢水
易湯翁受川渠奔流激湍橫截長途中有石橋駕爲

廣衝馳驅往來靡害靡虞久而剝齧因仍怠疎陽侯
肆虐蕩於須臾半餘僅存晚艤枝梧行者惴慄觀者
嗟吁毅哉申公分按方闢秉憲貞度奠民攸居興茲
廢圯周慮覃謀蕭晉繼之母替厥初任必得人費罔
溢虛程功飭事惟懷永圖克底於成終始契符鉅鰲
盤屹長虹亘敷偃仄疑阻化爲坦舒負載愁歎易爲
忻愉伊誰之績三公訐謨釋老炫俗崇侈宮廬黠吏

磁州志 卷之十一
要名豐飭傳廚豈若茲橋萬民所須人各有心公私
曼殊政尙體要事有亟徐介惟遠嫌庸安陋拘哲人
達權挈我政模費細利博仁與智俱頌聲載敷衆志
允孚邦人懷德永矢弗渝文於貞石以厲懦夫

重修偃月橋記

李

巳

州人明僉
都御史

記云溢水出州西四十里經遶城南蜿蜒北折方夏
秋水潦西山諸谷之水皆會漫爲巨浸南關距城里
許舊有石橋一所以通往來靡稽起自何代其制南
北礎石爲崖中壘石爲券高約二丈五尺濶三丈長

四倍兩頭耳券各二壯如蛾着當金太和元至正迄
明正德間屢加修治蓋徵諸往石云迺嘉靖癸丑六
月大水橋頽大半不可以車行者告難積有旬歲而
吏茲土者率因陋就簡置弗究心隆慶己巳兵憲永
年申公節鉞甫蒞覽而歎曰茲爲中原孔道齒牙北
畿咽喉南服天下百司之朝覲海外諸番之貢獻軍
民運輸商賈貿易悉經於此而橋梁傾圯罔克攸濟
有司之責其奚辭政有似緩而急似輕而重者茲役
實吾事吾政後哉乃請於撫臺山東李公按臺江西

蔣公咸報如議於是程費綜工稽期授畧捐俸爲倡
集材興事檄彰德知府陳君應麟本州知州羅君潮
計縣征夫開山伐石而以羽衣趨得秀領其事掄工
而工良選材而材堅趨事有嚴而力無怠功半及緒
申公廼以陞任去泰安蕭公代厥任其樂事勸成猶
申公云未幾蕭公亦轉任去而洪洞晉公復代之駐
節旬日首重其事卽申令督率躬勞省試刻期布約
一功計犒繼美前猷務底成績廼命橋之南北名石
一岸氏之齒木堅之鍵鍊架石成梁隆然雄峙儼若

飛虹御空而長鯨臥波也雖崇廣高表悉如舊制而
欄楹鳳藻牙竇螭文蟠繞拏踞眈眈翕歛燦然華彩
迴異昔時再於橋之西流南闢河身若干北築河身
若干障水截之以堤濱橋甃之以石俾水勢順趨逸
夫齧防襄岸之害而橋可永永不毀矣隆慶辛未九
月績用告成遡經始歲時僅三十又一朔耳用取贖
金工庸徭役而公復綜理周密措處精詳故財不見
傷民不告勞大功速成有如此旣竣事士民觀歎踴
躍謂宜勒石以昭來禩走謁請記余惟子產乘輿濟

人軻氏諱其惠矣而昧於先王之政紛紛綸綸不知其幾然徒杠輿梁猶必記時而考成其故何哉無亦以其甚重而不可忽也今三公先後協心克成是舉使民不病涉往來稱便其有德於是州者不淺而過於昔六遠矣非洞燭政體奚爲能爾後之利此橋者不忘所自可也用述其槩爰識攸始申公名佐蕭公大亨晉公應槐俱以進士起家分憲河北其宣猷振采靡可紀悉此特建橋一事云

磁守孫公築堰開渠記

闕名

初公下車甫五越月憂天之旱憫人之窮見滏陽水之可以田而土人不習於水之利也思以導而布之於是移文請於諸司其畧曰天有時地有利裁成輔相之道在人人非能自爲之惟有司率作而興起焉滏水發源郡西建瓴下至槐樹村漸衍漸平可以堰可以閘分兩渠而引注可以獲美利可以救旱荒惟幸許之咸報曰可公乃飭材庀具揆日興工而父老子弟之信者半疑者半余聞而私論之曰我與若生長斯方未見水田幸公眎爾如子眎爾輩困苦若痼

瘵之在躬而爲汝圖永利汝胡疑焉公聞父老言不爲病聞余言不爲喜毅然獨斷特出方畧揣度計慮揆程經用以身任之雖焦勞其心思胼胝其手足弗之恤也居無何而堰渠之工屹然就緒矣是役也以工計則橫河之流爲石堰堰長十有二丈高五尺堰之上流爲副堰沙堤堤廣三丈堰之下流爲底石廣一丈五尺堰之兩端爲臺臺各廣半畝高一丈二尺臺之中閘之傍爲渠兩渠皆廣八尺工何鉅也以利計則兩渠可分溉田八百頃一歲所入較旱田倍之

可贏穀八萬石利何溥也以費計蓋千五百金有奇而支之公藏則倉穀僅三百石庫銀僅四十有七兩抑何節約也蓋公以至誠感人故輸佐者多以勵精督事故偷怠者少工始二月訖於十月從來動衆舉事不苛不擾而工成之神速未有若此者於是向焉父老子弟之疑者盡信而諸司聞之咸嘖嘖稱嘉以爲千年之利數月而成是宜勒石以示久遠而公乃走書來問記余余維地之利莫大於水民之利莫重於田引水溉田與利首務然水性一也而因地以異

說者謂南方水弱北方水強余則不以爲然大抵地
陡峻則強直下則強遇坎則強束隘則強有所阻則
強坦曩漫衍之地迂徐委曲之流則弱此自然之勢
非有分於南北也故治強水者宜分疏不宜障塞治
弱水者宜載之使高不宜導之使下爲強弱中半之
水則分疏障塞可以兼施而並用是在善作者審其
勢而已矣昔史起西門豹嘗引漳水灌鄴而召信臣
亦引唐鄧諸水灌南陽皆載在青史號爲循吏然鄴
下故蹟久已湮滅而獨南陽之利至今賴之此豈人

事之得失異哉蓋唐鄧諸水本皆安流而漳河泛溢
流徙靡常是以爲利有永有不永耳今公舍漳而就
滏滏固安流而治之又有法度則此渠此堰且必千
百世不改與召父渠並存而陋起豹之業不足言是
可記也已已又思天下事有經始之難有垂久之難
難在經始者一人之任而難在垂久者衆人之任也
一人之任可以自盡衆人之任安可預必倘繼今而
後來牧茲土者知公興事之難若此又思公用心之
勤若此美意成蹟循而行之仍戒民以時修葺俾勿

壞則州人之福也公之心也若坐視其壅閼潰決漫
焉不知省且不爲所而徒諉曰是水之爲害也則豈
前人之失也哉敢併及之公諱健字用純別號毅所
雲南鶴慶籍浙之餘姚人登甲戌進士同知丘君臬
協公屢省吏目司君調元分督作渠皆與有勞於斯
役者得併書云

重修磁州志敘

紀

純

州人明
副使

我朝一統志之作廣大悉備頒行既久海內咸家藏
而人覩之下至郡邑之志特以詳其一郡一邑之故

使夫人皆得以習見故事景行先哲不出戶庭可以
指山畫谷不詢父老可以考古證今一統志所以詳
天下之故天子之守也郡邑志所以詳一方之故有
司之守也皆所以補史氏之遺古人所恃以昭鑒戒
焉者弗可弗作也弗可弗作而作則有關世教而非
苟作者矣磁州郡志殘缺成化間澄城張公夢輔爲
守山陰劉公湜掌教事始作之其用心亦勤矣歲久
斷爛板刻弗完且近事未入德興張公珂來守是郡
尋訪廢墜多所興舉方欲重修郡志而府檄適至似

非偶然者也爰屬之學正金臺段時濟訓導歷城張
秀上黨郭鎧山陽潘城生員張瀚牛詢參互考訂久
而乃成命生員董曰鎔謄寫善本送彰德府太守山
東陳公繙閱畢將鋟諸木以傳遠偶以敘見囑嘗讀
舊志間有舛錯而未釐正者數條如周昌沛人也李
固漢中南鄭人也而皆以爲州人杜喬河內林慮人
也與李固俱爲梁冀所誅後皆歸葬鄉里而以爲墓
在州內七十二塚以爲曹氏也而不知其或爲齊獻
武帝第十一子高陽王浟之藏太上塚以爲高歡也

而不知其潛藏於石鼓山石窟之內夫信以傳信疑以傳疑作史法也承譌襲舛而述人耳目重修之意果如是哉欲遽削而不存人或不知所謂反以滋其惑特存而不削一一爲辯正其下庶使讀者知舊志之謬諸未正者尙可俟也追念昔時多賢挺生道德功業光明俊偉靖康間康王再質金營至磁州民遮道以留殺副使王雲王不果北南渡之業於焉攸賴守臣宗澤其績尤偉吁可敬哉我明列聖繼作百餘年來道化熙洽士奮庸於功名之間民相安於耕桑

之業而秉鞭作牧握符守土者又皆砥礪洗濯精白
一心以承休德回視昔時有益盛唯時府太守陳公
暨我磁守張公俱以名卿冢器秀出東南陳公又以
名進士擢自冬官其秉筆作志者亦皆儒雅博洽之
士而指揮董公曰鎡貳守李君萬節判田君秀張君
良輔蓮幕趙君潤又從而相成之集中諸名勝大篇
短章金暉玉映摹寫太平取而讀之芳腴滿口則此
志信可傳也已幸登名是編者尙勉圖斯名之稱情
也哉純不佞敢僭敘之

新修磁州志敘

栗永爵

自古明君必重治民之官而於最親民者尤重焉守令是也余以菲才拜命守磁如履薄捧盈懼弗勝任至其地卽欲察民性以糾寬猛之宜稽物利以經出入之度審俗尙以酌豐儉之中而經界之限山川之理土埴之產貢賦之輸莫之有徵至於道途市井宮室溝渠遐邇聚散廢興通塞其生於是而德業有光於郡吏於是而設施有益於民與夫不良不經見譏當時遺患後世所以盡人情而極事變公好惡而示

勸戒者皆漫不可考將何所循以爲政哉余之懼益
深雖然嘗聞之矣忠烈先大父正德間爲河南右方
伯旌淑剔蠹貞憲流惠三月大治去之日耄倪攀戀
不忍舍具名宦傳中磁固河南屬也雖方伯州守秩
有崇卑隸有廣狹而自一命以上存心愛物必有所
濟矧地相屬則俗相沿善治者不易民而化今昔一
也余豈敢以卑秩自諉哉祖述先烈期不負朝廷簡
授親民之職而已矣此其大體也庶蹟隱微奚能周
知民故乎乃覈圖籍之散逸咨士人之記聞行原野

次郊闕目所接跡所履咸識之於心此其大畧也變態委曲奚能盡合民情乎徧詢舊誌踰月方得始知磁古鄴郡也地在趙魏之間三晉之民輕悍政宜嚴間有浮靡狎邪者流曹魏餘習也政宜革壤地接畿甸八省南北要衝冠蓋相屬供應急則民不堪政宜節廉藺張蘇之遺風寇準李迪之餘澤在焉其人安土重犯法政宜誠循是而行幸無大失然斯誌也篇目殘遺字畫脫損殊難辨誦且中有宜載而不載不必入而入焉者述不詳擇不精論不當何以垂後公

暇刪其繁瑣補其缺畧叅以新續僭爲記評與寮友
卿君南岑及學宮弟子員訂議之詳而特以例類授
貢士向君鶴岡編集而錄焉凡十卷爲二册捐俸置
木以付梓人因白所以修志之本心惟盡親民之當
務耳余愧非史筆且濫守衝繁牽於酬應勞於期會
萬事瘁其形百慮感其心驚乎毀譽之場競乎寵辱
之至取數日之暇於數月之中而成淡望聰明才知
之士繼余守磁者潤色焉庶乎其可傳也然代余者
觀乎是一郡之故炳若日星何必旁求博訪如余之

勞哉誌舊政以告新任竊比於我子文

滏河新草敘

楊性魯

州人明進士

董公詩人也而達於政其爲吾郡丞韞挾隆而肩何
眇芒亦不盡試也未幾署鄴鄴治未幾署涉涉治未
幾署磁磁又治三署三治而人始嘖嘖稱董公矣公
爲政有著鏡之智而必察有批導之才而不炫有風
雷之斷而不燥庶幾乎溫厚和平之風焉吾於是知
公之政以其詩也方其初丞時一二案牘顧盼而畢
燕坐空庭吏散鴉啼發諸咏吟溫厚乎其氣和平乎

其味也已署鄴曾未旬日卽有開河之役佩縣符監
畚鍤出入於沮洳流潦中日入不休而時又大疫戶
相枕於途人且弗堪公愉然不毗於陰也行堤輒吟
吟輒佳氣若味未嘗不温厚不和平也者已署涉最
後署磁脫鋒穎剗盤錯庭微積獄架鮮稽牒聞望駸
駸昌明而兩地更饒各山水若鼓山避暑宮黑龍泉
響堂寺爰及青頭熊耳諸峯選勝撿幽杯酒淋漓境
陶陶乎適矣公恬然不毗於陽也登眺輒吟吟輒佳
氣若味未嘗不温原不和平也者吾於是知公之詩

似其政也夫誦詩三百授政不達尼宣無取焉詩而
政不徒詩矣矧政而且詩一切在溫厚和平之域乎
蓋公器醇茂而養冲粹翱翔德藝之林稅駕中和之
圃渾乎良璧之在璞澹乎太羹之在鉶吾於是知公
之政與詩似其人也先是公有青雀吟不佞業爲敘
之敘詩耳屬且宦成則詩何足槩公而會梓新草竣
又以敘請故稍稍及於政緣不佞暨公莫逆日夕相
與剴切千古而其署兩邑每得句獨先投不佞不佞
亦隨以下里之調報之互相珍慕不減寺壁屏風之

石火三
卷之十一
四四
交重則知公者宜莫如不佞也若曰寄吻於毫爲邦
大夫游譽不佞雖閭汶所不敢出矣滄河在郡城南
漑博而流清公取以命篇而以文若干首附焉文之
佳視詩云

許太夫人傳

黃道周
明大學士

史周曰余聞之敬姜瘠土之民莫不嚮義夫亦其天
性實然豈在瘠勞哉魏稱園苑之區民貧而多思然
自鄴都以來我貴相耀跼屣鳴箏與燕趙比盛世通
人往往蟬綿漳河之肥渙於溱洧其賤仁義而尙富

厚固也磁州張司馬與余交垂二十年嘗稱其鄉鐵
鉉李已之賢也奮於義不顧身蹈害而不避然而司
馬際明時爲言官批郢導窾動中倫慮使觸者不忌
覆者心折卒無所爲呂梁孟門者益出入三垣都計
天下用爲顯諸侯通達矣猶私好余硜硜迂儒嘗從
長安過余執手道烈士之誼歌先王之風意殊欲然
謂有進於此者曰明發征邁而已余繹其意多有所
春容託於古飲御受祉之倫旣乃讀倪鴻寶所爲洪
川先生傳知司馬公二親在堂施家政正容悟物不

爲蹕厲之行許太夫人又甚莊稱母師司馬公每從
千里外奉慈諭審踞甚恭余乃嗒然歎賢者之遠也
蓋將以是導順銷萌於天下斂福極以奉天子是洵
所謂張仲其人乎何必猥苦之云余因從司馬公得
太夫人內嬾作許太夫人傳許太夫人者磁隱君碧
溪公女碧溪慎擇壻而歸與洪川公洪川公父本泉
篤友于以洪川爲其兄後時洪川尙有弟及弟殤洪
川意殊惻欲歸本泉問許夫人夫人曰父命也又承
嗣父歡既有年誼無所別於諸父乃竝稱兩父以生

父之產散於族人迎其生母及所嗣之嫡母養母爲
一堂承養無間君子謂之道謂其承祖也不以弟歿
違父命不以生父後遺嗣父後不以嗣產掩父產時
夫人歸洪川公十餘年矣每事取裁公成而衣之已
舉司馬公及二弟家亦稍落洪川公每鼓篋歸問家
政夫人不置策口授如畫間談諸族人非意相干夫
人第曰謝之勿以是失宗族歡諸姑姊未成立者咸
從王母喚媮成之姪女早孤凡服食撫視必先已女
其治奩視已女爲豐晨起任機絲軋軋至夜分不怠

持箠影視僮婢後者鞭之飼雞馬粟棄地者立譴於是家人嗚嗚咸稱嚴師余因誦敬姜氏之言也夫豈有社賦辟愆而然乎楊誠齋身爲轉運其子亦爲粵牧伯夫人羅常於圃中種苧課紡織八十不衰蓋自敬姜而後有羅耳今洪川公身領專城司馬公都上卿而許夫人恒有締綌絃綉之思異於今所爲都君者矣司馬公初爲蕭縣逾年調泰興獨與太夫人俱太夫人念輸輓煩重諸逋負者銜瓦破家約司馬公樽畜至三千金當爲民質漕米紆其力司馬公跪受

教積穀舉廩佐以雜碎上下之凡三載可數千金代
民買漕米五千石免下戶徵輸一日舉簿告太夫人
太夫人喜曰而今真吾兒也卽如孟仁躬結網捕魚
得鮓吾食幾何卽不作鮓甕社之釣者亦寧望腹平
可馬公旣起家拜瑣垣奉太夫人版輿入長安夫人
旣曰而能自作官吾歸執家楨自是太夫人皆家
與洪川公陶陽齊肴諸孫二十許人日就訓討常示
諸孫云爾能讀且讀耳不能自母教人畫虎刻鵠也
竟澤子擊毬黏竿放風鳶弄車卽怒不視日入田觀

穉從小看大奈何聽孺子逐逐耶司馬公旣領兩粵
被軍恩獲三世封太夫人猶瞻瞻於二父二姑曰竝
封乃成吾婦事又貽司馬公書曰寵不易居尙慎爾
職此兒循墻之日也吾日飯六七盂間視女奴浣衣
穉無煩內慮亦無所需南海之藏猗戲此其人雖
發美奚加焉爲之贊曰天閔彤管隆於翟弗慈儉之
愛兵勤之率譬車大載爲鼎有實舉案由房曰言爾
事爾於六卿以承三姑寵眷載勝受之王母之靈顧
之君子曰雖六行上之所卷首述三五三極同

券何必執經何而升殿

重修龍王廟碑記

邵世賢

廩生

蓋聞神居洞府修出名山所由來矣賢裔彰德府隰

學生員邵世賢於崇禎九年四月二十三日攜趙府

湯陰王府鎮國中尉載堦同禮香山玄帝徑由清明

山之右遇故人王時英舉稱 敕封應天侯巡雨龍

王李公由將軍出身原屬漢中府人志踵黃呂術精

三六威加海外望鎮中原精忠透九重金闕渥恩普

四海同春豈意悟中稍畧偶失 上帝重珍敕幽清

明山淨明洞係白土里天保鎮南兩岔口地方潛修
數載至我朝萬曆二十七年五月十八日愆期圓滿
始出隱而離潛然其威靈之赫奕呵護善類苛譴淫
朋尤其末節至運際時艱祈天澤而甘霖四沛問殃
祥而靈應不忒有功德山主索宗道施地一段劈山
尋徑開道通衢於寶山之南蠟燭印臺山之東卽明
山明洞之處也建置殿宇三間中立娑婆聖像左立
五龍尊形右坐 敕封應天侯李公而法膚現焉告
吉告凶遐邇稱誦賞善罰惡保障一方延至於今風

雨爲之飄飄殿舍爲之頽廢有淘泉村傭工人李得
富目覩心憂念前修之有德慨我輩之無功內捐苦
來之物外募八方之資於崇禎八年重修後堂殿三
間中李公右宗公左刁公前對洞口後坐龍潭其棟
宇峻彩廟貌森嚴誠一日之觀瞻實千秋之表範也
不於當時而同有休光也哉今同山主索應對建碑
刊名列代天之偉猷旌無上之洪恩而俚言畧備
垂不朽云

